

清史紀事本末

清史紀事本末卷七十

日俄之戰

德宗光緒二十九年冬十二月因日本與俄羅斯開戰宣告局外中立甲午之後俄復遼東於日人之手名為還我中國實則擴張勢力視滿洲為屬地李鴻章赴俄賀加冕俄皇祐之以恩於是中俄密約成斷送滿人祖宗發祥之地且以啟各國覬覦紛爭之漸拳匪既起俄人一面與各國聯軍攻京津一面進兵佔據黑龍江遂自俄道而下分據三省城寨即署官屬建築營堡政府莫能問也及和議開俄人藉口中俄有特別關係堅持東三省事歸兩國另議與都中事別為一談列國和約既定俄乃脅中國駐俄公使楊儒議另訂交還東三省條約要素甚苛法章將許之於是關東各地全置俄國勢力範圍之下而東南疆吏劉坤一張之洞及各省士紳力爭日本亦以前倖怨俄乃會英美兩國力阻另約遂不成與立公約其東三省撤兵期限約定盡押六個月後先撤盛京西南段至遼河兵再六個月撤盛京其餘各段至吉林省兵再六個月撤黑龍江省兵約既定兩官均回京各國皆按約撤兵而俄兵之據遼東者獨不撤反增兵重佔奉天等處政府不敢出一言以相質問雖外省督撫軍帥有請戰之事在下士論有義勇隊對俄同志會之舉皆嚴旨謝絕之而惟倚賴日本與俄之協商俄則借地方未靖馬賊猶多奉天增兵乃保衛俄執為辭以相支吾乃交涉決裂兩國公使遂俱下旗歸國刻期決戰其戰線在中國及朝鮮界內朝鮮介於兩大之間於兩國戰事既不敢過問中國新受大創亦不敢問境內主權門庭之內聽人關事遂守局外之例宣告中立

三十年春正月日本兵敗俄兵於鴨綠江佔九連城鳳凰城當日俄未開戰之先俄皇尼古拉士第二命其臣阿力喀塞克夫為遠東總督海軍提督詔曰繼自今遠東責任悉歸阿外部不必問也阿既履新則一主佐據遼韓之謀告俄皇曰日本易與耳雖外示情狀必無戰事故是役以前俄京無人策日本出於戰者至決裂之前數日俄皇猶告人曰一切幸平善日本怒終歸清滅朕之朝代固太平之朝代也諸親藩大公（凡俄皇父行大父行皆列爵大公）亦謂必無戰事所領庫幣名整軍費大抵自肥故在滿洲之俄軍兵備不整糧食缺乏及知日本將出於戰阿乃令駐京雷薩公使游說當軸其令英美法各國公使當調停之任英美兩使皆拒絕之遂至開戰時西伯利亞東清兩鐵道因構造不甚完全其輸送力甚乏加之馬賊隨在與俄為難運輸尤難期得力然阿雖狼狽不堪而外表鎮靜一若不以日本為意者迨至仁川一敗旅順再攻日人以魚雷入旅海其舟師阿與諸將方張樂高會而俄皇於其名亦御樂部於某名園及歸得阿電知所破壞皆新艦始如夢覺俄后聞幾利親王受傷勸甚而驚是役也俄之臺艦覆沒統帥淪亡擊沉之驅逐艦將士無一生者其第一等戰艦彼得阿怕羅司瓦中人陣亡尤慘除太平洋艦隊司令長官馬克羅甫提督外計泰謀長米拉司副提督一兵官二十三教士一畫工一副管駕一兵弁等六百餘又陸軍大佐一同時陸軍亦挫於定州其後鴨綠渡安東下九連克鳳凰破日虎所據俄兵皆望風潛逃矣夏四月日本兵於奉天之大孤山上陸佔金州以困旅順俄自出兵以來將士皆不用命無事時飲博淫山遇戰則督亂而不相救自馬克羅甫戰後俄皇以阿力喀塞克夫督師無功特簡陸軍大將若魯巴金代阿為海軍提督並以里海艦隊司令長官廊理羅甫羅馬

克羅甫為太平洋艦隊司令長官。時皆至軍中視事。日本聯合艦隊司令長官伊東平八郎乃來其防備未至。督軍節節前進。第一軍攻佔岫岩之大孤山。全師上陸。專向北進。名城要隘。以次佔守。以絕旅順之援。所謂拊其背也。又分軍監守港口。以杜俄兵之出。而扼其吭云。六月。日本兵佔大石橋。營口牛莊及析木城海城等處。上月日本第二軍。攻佔熊岳城。進陷蓋平。是月。日軍進攻大石橋。俄人以第一第二第九第三十五各師團。及西伯利亞預備兵一師團來拒。苦戰已全。親臨督戰。受重傷。軍士死者二千餘。餘遁去。為日軍追擊。極形狼狽。日軍遂佔領大石橋。及其附近一帶。是日。營口俄官聞大石橋受攻甚急。立率師往援。無效。分道遁。營口同為日軍所佔。城近薄牛莊析木城海城皆克之。俄軍死者又五千餘。俄軍自出發以來。軍士皆嫉視政府。無關心。房店之戰。俄軍甚為得勢。領將司他克堡大將。以有利之可乘。令勿逃。且以必勝品之眾。曰。必求勝者。若目擊之。其退如故。司他以手執擊其前。行而以末丸自轟其首。以死。敗聞。俄皇憂憤。至廢寢食。其國內革命黨勢益猖獗。波蘭亦謀獨立。而新造兩巡洋艦。竟有人欲謀炸燬。秋八月。日本兵敗俄兵於遼陽城外。遂佔遼陽。又敗俄兵於沙河。日本第一軍。既佔細河。派分三隊進攻遼。敗俄軍於湯河。紅沙嶺。大西溝。孫家砦。弓依嶺。雙廟子。石嘴子。大西壘。嶺香山子。並反溪。孟家砦。第二軍敗俄軍於雷家堡。黑牛屯。余家臺。曹方屯。壞瓦溝。新立屯。徐上堡。俄軍遂不支。向遼陽而退。日兵亟追之。熾遼陽車站。迫壓俄軍。至太子河右岸。俄軍擠入河內。死者甚眾。至是佔領遼陽全部。是役也。前後戰至十日之久。兩軍死傷。以數萬計。為開戰以來之一大戰。冬十一月。以俄國波羅的海艦隊來飭沿海各省戒嚴。日俄之戰。已歷一年。自俄師潰出遼陽。中國日望日俄。

之議和俾歸我東三省。即各國公論亦望日俄之將出於和。而俄人於遼陽戰敗之後其於喪師失地之辱。若不甚指意。惟日夕籌備。波羅東行之事。思大逞志於日本。以雪恥。於是各國相顧失色。中國政府亦飭東南各省官吏戒嚴。十二月俄國旅順守將乞降於日本。日本海陸軍圍攻旅順。苦戰經年未下。始而仰攻。繼而堵塞。終而決圍。大小數十戰。皆無效。日軍於是年九月十八日大起總攻。預備在二十六日。將其陷落。以作日皇誕辰之酬禮。然總不能滿望。至上月二十六日。俄力不支。自將人臺及兵艦等。悉數炸毀。於傍晚九時。遣使齎書詣日營投降。翌日。日軍乃本希典大將答書許之。訂期二十九日受降。至是月初二日。收受始畢。共計武弁八百七十八。兵士二萬三千四百九十一。方五六月間。日軍之在旅順放哨也。守將司多塞爾將軍已欲降。為其下士官二百二十九人所僞。又勉守半年。至是司多塞爾定於是月初七日。由青泥窪歸國。

三十一年春二月。日本兵敗俄兵。佔奉天省城。是役自正月十六日開始。屢戰。連是月初五日。終凡二十一日。日軍卒佔領奉天。於是俄軍咸向北退。據守鐵嶺。為防禦地。計俄軍之與於是役者。共步兵三十萬。零八百。騎兵二萬六千七百。大砲千五百六十八。為日俘虜約四萬數千。死傷者十一萬六千五百。日人死傷亦四萬二千二百餘。日本兵連敗俄兵。佔鐵嶺及開原。鐵嶺位哈爾濱遼陽間。時俄帥普魯巴金已撤去。滿洲軍司令長官之職。降為滿洲第一軍司令官。而代之。以陸軍大將尼維羅。頗善戰。然新敗之師。終不敢果勝之卒。方日軍之自奉天而北也。沿途敗殘俄兵紛紛乞降。於是日軍長驅而進。是月十二日。佔鐵嶺。俄軍北退開原。日人分兵進攻中途。無一抵抗。十四夜直入開原。翌晨俄軍棄開原。使為日軍擊退。夏四月。俄國波羅的海艦隊。為

日本海軍戰艦於日本海之對馬島海峽先是俄人自波羅的海合三艦隊與一切運船共計不下百艘自上年七月鼓輪而東其與日本為海上之角逐日本東鄉大將聞之時已為迎戰之準備揚言第一期海戰事畢於十一月下旬回國而陸軍所部聯合艦隊向西往接波羅的海艦隊惟若遊擊太驟則俄雖戰敗不難入中立之地以求庇不能使之全歸覆滅或不然而遊擊太驟則俄艦隊已北進將與其海軍根據地相近擊之亦未易有功必俟其至進退失據之地主客互異之交倖起擊之然後可以一鼓而殲也故俄艦隊自歐洲出發以來留於馬達加斯加者半年游弋於安南者兩月然後直北過臺灣海峽經中國洋面而至對馬島海峽而日艦則始終潛伏其來南洋也聽之其過臺灣海峽也聽之其至中國洋面也亦聽之迨至對馬海峽附近之沖之島日艦隊始直出攻擊俄艦奧斯頓盤亞(戰艦)先為一砲所中毀其司令臺俄將福格寬馬駒復連中數砲傷重而沈餘艦雪蘇完利特(全工)擦氣麻夫(巡洋艦)喇壘麻格虎(全工)亦受重傷入夜復被日艦逐艦隊及魚雷艇隊追擊機艙全損翌晨飄至朝鮮海面為日艦信濃丸等所見未及拘捕而沈其那槐林(戰艦)一艦亦於戰時疊中魚雷四次登時沈沒旋日本新高音羽兩艦搜擊俄艦蘇維威勒那(巡洋)於喜哥根海灣(屬朝鮮)沈之碧手八雲兩艦擊沈俄艦烏式攷(海防艦)第四艦隊及第二驅逐艦隊迫脅俄艦兌未脫蕩斯科(巡洋)駛至歐林島東南海面(屬朝鮮)觸礁而沈其餘俄艦沈沒者坎內士蘇槐羅敷亞力山大第三海羅提諾(皆戰艦)根姆芝加伊魯琴斯克(皆特別差遣船)五艘及驅逐艦三艘為日所捕者奧琴編尼古拉士第一(皆戰艦)阿發利魯新加文(皆海防)勃清完(驅逐)五艘不知下落者受爾墨池(

巡洋一艘當次內士蘇俄羅敷之將擊沈也俄總司令官羅司諱司溫司開與其部下將士改乘
奧黎爾艦圍逸至濱田海岸為日艦俘獲又第三艦隊司令長官海軍少將尼布格爾士夫當日
艦圍攻時度不能脫遂率軍士降此外為日所俘者海軍大佐納納麻夫及兵士二千二百二十
三餘皆適為計是役俄有二十六艘之主力艦隊至去其二十二日艦沈沒共魚雷艇三艘兵士
死傷約一千四百人說者謂此次之戰誠為自古罕有之大海戰六月日本兵連敗俄兵佔庫
頁島是月初五日日本艦隊抵庫頁海面行掃海事舉聯合海軍枝隊即時登陸攻佔沿海地衣
翌晨日艦隊往助陸軍進攻可殺克夫城至時俄軍已笑城適其地為陸軍所佔第追俄軍至達
里宜異西北之陣地攻擊一日至初十日俄兵不支向庫喀而退於是庫頁南部全為日軍所得復
追蹤俄軍連敗之於第一愛爾科夫第二愛爾科夫第三愛爾科夫尼羅科夫波曼白亞力山大
夫斯甘城枯衣城普衣科夫維德尼哥斯尼利烏大陀倫南境等地俄軍益憊不能走二十八
日其司令長官利波諾夫遂率其將校七十兵士三千二百同降於日軍而日軍軍勢遂得施行
於庫頁全島矣秋八月日本與俄羅斯議和於朴子茅斯城日俄自對馬海峽大戰後美總統
羅斯福出為調停日俄皆允之日外務大臣小村壽太郎駐美使臣高平小五郎俄國務卿武爾
齊威第駐美使臣羅善同為議和事使會議於美國之朴子茅斯磋商將及一月至是月初六日
和約始成計共十條一日本在朝鮮得有最大之權二彼此撤退滿洲之兵三將滿洲交通中國
四開放滿洲門戶五庫頁島各得一半六交出遼地租契七割讓哈爾濱以南鐵路八俄國可以
經過滿洲之鐵路改為商路九俄國將供養俄俘之費計日金百五十兆元給與日本以代賠償

軍費十日本得在海濱業魚之權計是後自二十九年十二月至是月戰爭歷二十九月乃定
編者曰歐之俄亞之中皆自號為大國者也列強亦震於其國土具體之龐與擬之曰北方之
熊東方之獅乃不十年間而皆大挫於西區島國之日本此其失敗之原因究何在乎吾人試
於事定後準陸士衡辨亡之例而原中俄兩國之敗則其間同點甚多民族之複雜同政體之
專制同官吏之貪墨同軍紀之腐敗同文牘之虛飾同財政之紊亂同至其甚者國主之受制
母后官邸之需費軍職亦無不同且開釁以前日人惟不輕於言戰而戰備畢具俄與中則宣
戰之詔已達敵廷始着手於戰事必要之準備亦同開戰以後將領之不足任軍士之不用命
軍中公犯淫博戰敗固不救反陷之一軍小挫萬夫膽裂聞風走避奔突狼奔又無一不同然
則綜是數者觀之又不得大東溝與對馬島兩次戰事之結果而中日之戰日俄之戰其所以
勝負者已見特世之人不之察耳

清史紀事本末卷七十一

改訂藏印條約

德宗光緒十六年春二月駐藏大臣升泰與英國總理印度大臣蘭士丹在孟加臘城會議藏印條約八款成初英人既併有印度急欲北圖西藏先收哲孟雄布升廓爾喀三國為保護藏人懼英之偏並憾哲部之私結英人遂於光緒十四年正月遣兵入哲集堡塞於龍吐嚴陳兵備阻絕商旅英人將出兵擊之總理各國事務衙門聞之與駐京英使咸安瑪定約停止英兵入藏而飭令藏人速撤龍吐卡房駐藏大臣文碩抗疏爭謂地為藏地撤無可撤政府斥其迂謬撤文碩還代之以升泰旋英人麻葛萬帶兵至哲攻燬龍吐卡房藏兵退還八月藏兵復與英兵相攻擊藏兵敗哨利亞東朗熱等隘同時失去於是升泰派員赴邊阻至英兵並自至邊境勒令藏兵解散與英員保爾會商界務總理衙門亦派稅務司赫政往幫同商議尋保爾約升泰至獨脊嶺會議至是約成計八條一訂定藏哲之界二中國認哲孟雄為英國屬地三開印藏通商之路及外交交涉四另訂藏印通商之約五另訂哲孟雄界內游牧之事六另訂印藏官員交涉之文移往來七此約批准後限六個月由駐藏大臣暨英國駐印大臣各派員會商第四第五第六另議之事八此約批准六個月內在倫敦互換正約

十九年冬十月四川越嶲營參將何長榮稅務司赫政與英國政務司保爾在大吉嶺議定藏印通商交涉游牧條約九款又續款之條成此遵十六年之約妥議界務商務詳細章程計接議條款九條一定開西藏亞東為通商口岸二租備建置三交涉案件四洋關稅則五同六交涉案件

七、交際儀文八、同。其內容之最要者亞東以光緒二十一年開市設稅關以總稅務司赫德轄之限五年以內不徵稅惟英人欲於藏哲交界處立界牌中國不許而英人入藏自由之權利亦不完全英人快快至二十九年遂有率兵侵藏之事

三十年秋八月命三品卿唐紹儀前往西藏查辦事件。先是俄人與英人爭藏英人對藏政策全以威逼俄人則純用懷柔。於是中日戰爭以後藏人知中國之不可恃欲結俄為援冀以禦英乃傾嚮於俄及聯軍臨北京之報達拉薩（藏京）中國威信墜地俄乃誘藏結密約至二十九年日俄將開戰英人乘其時俄人不能南下乃藉口藏人於光緒十六年十九年之條約不能履行於上年九月十八日遣其大佐榮赫鵬率遠征隊由印度進兵十一月初六日達於藏境之花梨駐軍三月有奇侯麥都那將軍大兵之至會齊以是年二月十一日指江孜進發計共步兵八百五十馬兵百五十礮六十五日抵緬納藏軍衛戍地也是日藏政府使使入英軍請勿進榮赫鵬告以此次之來帶平和的使命而已強進不止藏軍十五百拒之遂開戰麥都那幾負傷俄而藏兵大敗死傷五百捕虜二百十八日駐藏大臣有泰（即前大臣升泰之弟）遣人至英軍止其前進不聽但約有泰赴帕克里議和照十六年條約辦理願即休兵有泰藉口商上不肯答應馬拉不能啟程法不進二十日麥都那進台巴謨阿湖擊退藏兵八百傷亡甚眾翌日英人派格蘭卡斯兵及印度兵各一中隊與藏兵戰於嘉羅山峽下歷六小時英軍傷亡二十五藏人二百三十三日英軍抵江孜以東峽路藏軍千五百守之以發礮不能命中英軍安然直進四月十二日駐英使臣張德彝電達外務部言已商英藩部請電印度總督哈士六停止進兵所議各條請

與駐華英使薩道義商定電藏速辦。政府與薩使議不設置之。十三日英軍襲據巴拉林及附近村落。十八日榮赫鵬牒告有泰。限以本月二十五日。至江孜會議。二十四日藏軍襲坎馬之英軍礮臺。不利死者百六十四人。時英軍兵力總數已有四千六百人。五月十三日英軍既佔領江孜。仍盼有泰赴議。有泰仍不敢進。日擊藏姬五六人。赴柳林子備酒跳舞。納達藏人皆切齒。十六日藏人乞英軍休戰。以待拉薩使節之至。英人許之。約以三月十九日。藏政府代表至江孜與榮赫鵬會議。不得要領。復展休戰期限。三月二十二日休戰期滿。榮赫鵬復下令攻擊。破江孜礮臺六月初一日。榮赫鵬傳檄遠近。布告入拉薩議和之事。翌日拔隊進行。初七日英軍至拿亞孜。藏政府代表人來言。拉薩為宗教聖地。非商議國事之所。請回使館。返於江孜。英人不許。二十八日英軍入拉薩。達賴利麻勒朗結逝。七月初六日榮赫鵬乃往見有泰。告以中國之責任。且詰有泰不赴約之故。有泰自言無權受制。商上不肯支應夫馬。以自明無罪。榮赫鵬笑領之。即以此據為中國在藏無主權之確證。於二十二日列條約十款。迫藏眾即畫押。一西藏番人現允遵照庚寅（光緒十六年）約章之第一款。將哲雄孟邊界重立界碑。二西藏番人應允除亞東關外。並在江孜噶大克二處開埠通商。英藏商民均可聽便往來。其癸巳年（光緒十九年）所立商約所有不安處。須與藏番商改。改定後。以上所開之三地。均須遵辦。其商民前往印度。應就現行道路轉運。如另有商務興旺之地。再行商酌添設商埠。三癸巳約章甚不妥協。應另索由西藏派番官與英國商改。四稅則一經訂妥後。不得再加。五由印度邊界至亞東江孜噶大克三處邊界。沿途不得設立關卡等。如各該處道路險峻難行。仍須由藏修理。又該三處應由西藏設立番官。所有駐紮

該處之英官如有文件致駐藏大臣及漢番各官均應由該官接遞將來他處如添設商埠亦應仿此辦理六因藏番不遵約章開罪英國邊務大臣妄動兵釁應由藏賠給兵費五十萬磅合盧布七百五十萬元勾作三年付給以西歷千九百零五年元旦為首期至該款定於何地交收應由英國先行咨會或即在大吉嶺交收七因欲將前六款實力辦到故印兵英兵仍行留駐春丕（即城倫）俟三年後商埠已開賠款已清方行撤退否則仍駐該處八由印度邊界至江孜及前藏地方凡扼塞之區均須由藏番修改平易九此後如不經英國允許則無論何國人不得典賣租給西藏土地又不得預聞一切應辦事宜又無論何國不得派遣官民到藏協同藏番辦理各事又不得干預修造並築路開礦等事又各樣匠產及一切值錢產案不得自與外人抵押對換租賃十此約由英國邊務大臣榮赫鵬與達賴喇嘛勒朗結於九月二日（西歷）在西招畫押蓋印約文用英文及番文繕寫以英文為準約既成翌日有奏據以電告政府猶以從權辦理先行簽約為請並言勒朗結潛逃請即傳旨褫革詔以西家子達西刺麻代任而嚴緝勒朗結即令有奉與英使協商藏地通商之事旋俄德美義公使環起抗議而俄尤劇其駐京公使瑛科策屢向外務部聲言中國若輕易開放西藏則中國須將庫倫新疆等地事權讓俄亦須另立專約於是政府始發實責有奉使府約有奉旨請專派全權政府仍令其竭力議駁並命川督錫良赴巴塘與有奉協商錫良覆奏稱口於川省患旱土匪蠢起辭不往至是命直隸津海關道唐紹儀開缺以三品京堂候補加副都統銜授為全權大臣前往西藏商改英藏條約

三十二年夏四月外務部侍郎唐紹儀與英使薩道義訂藏印正約六條於北京成紹儀自三十

年八月奉命赴藏至十一月始成行於三十一年正月至印度與英議約專使費利夏議不諧二月詔以紹儀接任駐英公使命直赴英京毋庸赴藏時達賴已自庫倫折回西寧十二月榮赫鵬忽派兵擁抵藏班禪入印而紹儀在印磋商條約既已經年古猶筆秀迄無成議由外務部奏請移至京師商辦時值日俄休戰日使小村壽太郎來議遼瀋約乃召紹儀還國紹儀遂率參贊梁士詒留參贊張蔭棠於印紹儀既歸仍諭令與薩使交涉藏事往復磋商至是始克就緒計正約六條而光緒三十年榮赫鵬與達賴所訂之英藏條約仍附是約之後一切承認之惟改稱中英續訂印藏條約而已遂於是月初四日簽押正約一光緒三十年七月二十八日英藏所立之約暨其英文漢文約本附入現立之約作為附約彼此允認切實遵守並將更訂批准之文據亦附入此約如遇有應行設法之時彼此隨時設法將該約內各節切實辦理二英國國家允不佔併藏境及不干涉西藏一切政治中國國家亦應允不佔他外國干涉藏境及其一切內治三光緒三十年七月二十八日英藏所立之第九款內之第四節所聲明各項權利除中國獨能享受外不許他國國家及他人國民享受惟經與中國商定在該約第二款指明之各商埠英國應得設電線通報印度境內之利益四所有光緒十六十九年中國與英國所定兩次藏印條約其所載各款如與本約及附約無違背者概應切實施行五此約分繕中文英文業已細較相符惟辦解之時仍以英文為準六此約須由兩國大皇帝批准重押自兩國全權大臣重押之日起限三個月在倫敦互換此約中文英文各繕四分共八分兩國全權大臣重押蓋印為憑

編者曰當光緒十八年英國有名之探險家笛羅士史自西藏歸語人曰中國之對藏舊統用

歐人待殖民地之法。時人皆疑其言。是則乾隆朝所定原約之功效也。自後人奉行不力。任藏人與外國交涉。遂有英人干預之患。而英藏之約以成。及在北京更定所設中英續訂印藏條約。舉前約而一一承認之。於是西藏地方。遂至受英人干涉。竟不能與無條約之內地同等。遇有戰事。且阻我進兵矣。然則西藏不仍為中英公同保護國耶。嗚呼。西藏嗚呼。西藏主國。

清史紀事本末卷七十二

光復軍之頌牲

德宗光緒三十三年夏五月。安徽巡撫恩銘為道員徐錫麟餘龍。錫麟及其黨陳伯平等。均為營兵所殺。錫麟浙江山陰人。沈雄有大志。膽識過人。尤擅權畧。時中國政治廢弛。官吏萎靡不振。錫麟每與人論時局。輒歎歎流涕。不能自己。其父梅生嘗切戒之。而錫麟不顧也。弱冠後以廩生中副車。如科舉傳人甚烈。棄之。入浙江師範學堂。既卒業。為山陰縣學堂宣知。紹興府學堂監督。初辦紹興大通學堂。明遠學堂。復游學德國。入警察學堂。畢業後至日本。與使都豪傑之士。及內地志士東渡。居留其間者相周旋。洞悉民族之義理。亡國之舊聞。慷慨激發。毅然以光復為職志。知新中國非大破壞不為功。欲以政界為著手地。遂返國。納資為道員候補。安徽皖說當事危切。悚動。大為恩銘所激賞。即委任之為陸軍小學堂會辦。逾年。改委巡警處會辦。及巡警學堂堂長。錫麟乃以其間。與同邑陳伯平。餘姚馬宗漢。組織光復會。值星期日。輒集巡警學堂。教習學生於講堂。開演說。意在灌輸最新智識。以激盪警界同學。而於種族之大義。革命之真諦。常隱隱流露於詞氣之間。眾皆為之激昂。民族思想之泛溢。有一日千里之勢。於是黃漢光復軍。遂發生於安徽之陸軍小學。巡警學堂。而流布於紹興之大通。明遠。皖秀。涇溪。同仁。震旦。蠶桑。各學校。方擬俟佈置完善。聯合軍警。實達目的。顧錫麟天資雖高華。而性情頗密。籌畫方略。又復深藏不露。以故皖中諸當道。無人知其為光復軍首腦者。恩銘且嘗語人曰。徐道辦事認真。操守廉潔。洵不易才也。適上海捕獲黨人葉某。得同黨人名錄。知多層集於皖。而其首領即錫麟之別名。江督端方嘗

告恩銘嚴密偵探時錫麟為警察長故恩銘與之協商錫麟陽諾之而陰懷事洩且不測欲先發制之又錫麟與海外諸同志時通消息軍火均由大通等處潛運恩銘得信早飭屬嚴切查察並通電各省為之防範以故黨人多懼於禍軍火耗散亦不貲錫麟欲撲殺皖中諸匪更為被害各同志復仇時皖省雖有常備軍兩標其第一標方從事於操練未發鎗械第二標又悉初徵之兵更不踰標法緝捕巡防各隊兵單人少其餘綠營則行伍空虛兵未習練無事生食而已錫麟從利用此時機以發難是年二月間已遣其眷屬歸浙至是陰約各機關連為整備訂期是月二十八日同舉巡巡學堂兵士班屆畢業之期連日校中致試將竣照章應由巡撫親臨大城以便掛充站崗為試辦東西兩區巡警地步錫麟遂欲於二十八日舉行卒業式以殺巡撫為下手之方尋教皖省之滿員此外文武可以不報而驕不策而馳事定即溯江直下南京而後徐定大計會恩銘以二十八日須祝壽府章某母壽今改期二十六日錫麟力言為期太促趕辦不及恩銘傳收支委員顧松問之松以一切齊備對遂定期錫麟不得已乃於前一日親自衣冠詣諸閭城文武滿吏蒞堂閱操期必到以為一網盡之之計是晨八時鼓威譟於花廳預埋炸藥於地下請各官撫畢閱操其用意欲使巡撫以下悉為灰燼於搏釁之間而恩銘有先閱操後設議之命於是錫麟知預定一切計畫均不能實行且疑謀已外露意擊巡撫死不擊亦死與其失敗而死豈若冒險一試為之即下令全體官兵生站隊親往操場演說為諸君當結團體救祖國語次激昂聲震遠近諸生驟聞是言尚有茫然不解其命意之所在者旋恩銘及三司道府縣各印委人員五十餘先後至堂恩銘將升座閱外場操演錫麟請先致內場功課恩銘率司道入第三進禮堂

錫麟或服立階上學生等列隊迎先由官生行謁禮思銘答禮畢兵生正擬行禮時錫麟趨進曰報告大帥今日革命軍起事思銘愕然未及答而鎗聲已發其時錫麟先擲炸彈於地未觸敵馬宗漢起舉一鎗中思銘右手宗漢行刺神色倉皇手顫不能再執錫麟即於靴統內取出六響快鎗兩支握左右手輪向思銘轟擊復連中七鎗唇脣際及兩腿皆受傷最後由尾間洞穿小腸遂仆地時文巡捕陸水順武巡捕卓德文以身遮護水順登時斃德文亦獲重傷道員巢鳳儀傷腿首府黃鎮湘傷背顧松及一門役皆擊死思銘既中鎗藩司馮煦命戈什背負與中送返撫署思銘猶能大呼務將徐錫麟擊獲收禁司監并謂巡警學堂全體毫不干涉毋滋疑畏一面飭令關閉城門派兵巡邏緝捕加調各營以保大局復稱腹中慟甚速請西醫起彈及醫生至謂彈入臟腑非剖腹不救思銘時已不能言惟以手指腹促其速剖乃一剖再剖均不見彈之所在蓋其彈為藥水製造見血即化也而思銘遂坐是死當變起倉猝時人情恐慌特甚錫麟手握雙鎗從容施放口中猶稱大帥放心此刺客職道定可辦到故此禮堂外皆不知鎗聲所自起一聞刺客二字各官乃鳥獸散尚不疑為錫麟所為也錫麟見思銘去後即偽語學生曰撫臺已為顧松所刺我等須往軍械所保護拔刀出禮堂與伯平宗漢左執乃右握鎗率學生整隊行既抵軍械所所員周家燧逃錫麟等入據之為抵禦計及學生取局中所存新舊各礮試用皆不得手而兵勇大至圍之時統兵者為緝捕營管帶杜春林中軍兼巡防營標統劉利貞稽查局員知縣勞文珩等錫麟急令伯平宗漢守住前後大門鎗斃弁勇六人相持六小時之久錫麟見勢不敵遂返身入所越牆逸去伯平為緝捕營勇擊斃宗漢當場被執先後捕繫學生及夫役二十一名當各

營兵圍攻軍械所時多不肯向前馮煦遣道員黃潤九往督催仍不進乃傳令獲錫麟者賞洋一萬天各兵始奮勇攻入見錫麟戎衣遺地下知已改裝出走報至撫署相顧失色一面仍飭展緝一面出示加賞能知徐錫麟下落報告者賞洋五十元因拒捕中創身死者賞洋二千元至午後四時錫麟乃弋獲復於巡警學堂錫麟之寢室起出白旗一面上書四言韻語寓先復起事之意子彈四顆鎗炮多支刀三十把討虜大元帥印一顆告示百餘張並黨人書信八件皆謀皖語並有運動奉天大俠馮麟閣之證據及其弟徐偉肅有浙皖辦事兄自酌定等語旋於其私宅起出信件甚多相片百餘張及先復軍大旗一面錫麟解至督練所即由兩司會訊馮煦曰中丞為爾之恩師爾何無心肝乃爾錫麟曰彼待我誠厚然私惠也我之刺彼乃天下之公憤也煦又問曰爾究係孫文之黨否曰孫文不足以指揮我此事僅我與我友宗漢子先復子所為其隨攻軍械所之學生實不知情當時我以鎗迫之不得已而隨往我之罪我一人當之即數十學生之罪亦我一人當之寸磔我身可矣幸無累及他人因問曰新甫（思銘字）死未臬司聯裕始之曰未也僅受微傷耳經西醫診治已全愈明日當親自訊問錫麟聞言色遽變垂首不語聯裕又曰爾知罪否明日將剖爾心肝矣錫麟悟而大笑曰然則新甫死矣新甫死我志憤我志既償即使我身為千萬片亦所不惜區區心肝何屑顧及且指聯裕曰爾幸不死聯裕大震幾踉蹌而曰彼爾固無滿即不殺爾庸何傷我本擬先殺恩銘次端方次鐵良次良弼馮煦曰爾平日嘗謁見撫臺而不擊之於私室乃至今日始擊之何也曰署中私室也學堂公地也大丈夫作事須令眾目昭彰又問其同黨共有若干堅不答更問教習中有同謀者否曰此輩為衣食起見無一足與謀

者因授以紙筆，謂曰：請爾自書數語，備作供詞可乎？曰：可。其供詞云：我本革命黨首領，以道員就官安徽，專為排滿而來，投身政界，使人無可防覺。滿人虐我漢族，將近三百年矣，觀其表面，立憲不過牢籠天下人心，實主中央集權，可以膨脹權制。然實滿人之妄想，以為一立憲，即不能革命。殊不知中國人程度，不夠立憲，以我理想，立憲是萬萬做不到。革命是人人做得到。若以中央集權為立憲，越立憲得快，我漢人越死得快。我只拿定革命宗旨，一旦乘時而起，殺盡滿人，自然漢人強盛，再圖立憲，不過我書志排滿，已十餘年矣。今日始達目的。本擬殺恩銘後，再殺端方、張良弼，為漢人復仇，乃竟於殺恩銘後，即被擊獲。實難滿意。我今日之意，僅欲殺恩銘與毓鍾山（名秀）耳。恩銘想已擊死，可惜便宜毓鍾山。此外各員，均係誤傷。惟顧松係漢奸，他說會辦謀反，所以將他殺死。趙廷璽他要擊我，故我亦欲擊之。惜被走脫耳。爾等言撫臺是好官，待我甚厚，誠然。但我既以排滿為宗旨，即不能問滿人作官之好壞。至於撫臺厚我，係屬個人私惠，我殺撫臺，乃是排滿公理。此舉本擬縱圖，因撫臺近日稽查革命黨甚嚴，又當面囑我擊革命黨首領，恐遭其害，故先發以制之。且欲當眾將他殺死。此外文武不能不服從我，直下南京，可以勢如破竹。我從此可享大名。此實我最得意之事。爾等再三言我密友二人，現已一併擊獲，均不肯供出姓名，將來不能與我大名並垂不朽。未免可惜。所論亦是。但此二人實有學問，在日本均知名。以我所聞，在軍械所擊死者，為光復子陳伯平。此實我之好友，被獲者，或係我友宗漢子。向以別號稱，並無真姓名。若爾等所說已獲之黃復，雖係浙人，我不相識。眾學生程度太低，無一可用之人。均不知情。爾等殺我，剝我兩手兩足，將我全身砍碎，均可。不要寬殺學生，皆是我所誘傷，使無革命

黨多在安慶者實我一人為排滿事。欲初光復軍。助我者僅光復子宗漢子二人。不可拖累無事。我與孫文宗旨不合。他也不配使我行刺。我自知即死。將我宗旨大要。親書數語。使天下後世。皆知我名。不勝榮幸之至。時司道聚議。援張汶祥刺馬新貽例。剖心致祭。聯裕毓秀。皆主先挖心。後斬首之說。勞文琦附和之。馮煦力持不可。曰。斬首。國法也。挖心。私刑也。不得以私廢公。遂定斬首。後再挖心。當晚由宋芳賓勞文琦監斬於東林門下。時年三十五也。復將心挖出。置碟內。供於恩銘屍前。衛隊某並取其肝烹而食之。謂味極美。其屍旋用四塊板封釘。置於露地。大雨傾盆。一夜不止。二十七日午前始掩埋於北門外。方錫麟之臨刑也。先拍小影。而神色自若。曰。功名富貴。非所決意。今日得此。死且不憾矣。宗漢旋亦被殺。六月。浙江巡撫張曾敔捕殺紹興大通女學校校長秋瑾。秋瑾向以鼓吹革命為天職。嘗赴日本游學。與同志組織共愛會。因取締風潮。歸國主講海濱學校。教育循序而進。成績為各校冠。提倡辦中國女報。其以提倡女權。作家庭良導師。徐錫麟事敗。曾敔得脫。馮煦電告。搜索黨人。瑾時在紹興。任錫麟所組之大通學校校長。會同邑富紳胡道南。瑾仇家也。告密於知府貴福。言瑾藏軍火校中。將為變。勾竦縣平洋黨為外應。貴福之父與瑾之父為寅友。瑾以通家故。往來貴福家甚密。貴福亦恆推重之。嘗贈瑾聯語曰。競爭天演。雄冠地球。以瑾別字競雄也。一時傳誦。至是貴福入道南言。又以恩銘故。有光死孤悲之感。乃擬服宵行馳省告變。曾敔立派巡防營統領李益智。赴紹會捕。旋電令貴福率獲。訊明就地正法。益智至。遂於是月初四夜。會同貴福率兵至大通學校。適值暑假。期內學生留校者僅十餘人。時皆驚懼失措。貴福遂命開鎗。致斃二人。傷七人。瑾被拘。教員程毅及學生六人亦捕去。貴福

與山陰會稽兩縣嚴刑酷審並無通匪實據迫令跪大練火礮慘聲達於署外程毅瀕死而復蘇者六次瑾堅不承惟書秋兩秋風愁煞人七字而已因搜軍火無着謂在瑾衣帶中起出手鎗一支指為身帶凶器遽援以具獄翌晨殺瑾於郡城之軒亭口時年三十有三也是役株連者衆女學界尤甚前監督孫德清久拘不釋勒捐洋五千元得出獄富紳許仲清被挈在押亦捐洋五十萬元乃免復捕繫同仁學堂學生八人戲捐公所及附設之學堂幹事員與學生亦捕去八人毓秀震旦各學校皆迫令解散而首禍之刑舉陳某山陰知縣李鍾靈均以爭比案不平被撤遂及省安道員陳翼棟至查閱案卷亦有責言並調查嵊縣無亂耗請撤兵責福承才敢旨持不允於是浙人大譁曾敦不自安遂求調乃移撫江蘇蘇人拒之更調山西晉人又拒之曾敦如不見容於時乃乞病居鄂（曾敦為鄂督之洞之兄子）責福亦援例求調乃移守安徽之寧國寧人亦循例拒之遂不知所終道南旋為人所殺益智焚死於粵之大沙頭花艇中當秋瑾之被殺也暴屍道路無敢收葬者嗣石門徐寄塵桐城吳芝瑛兩女士卜地西湖西泠橋畔築石葬之題碣曰鑑湖女俠秋瑾之墓逾年滿御史常徽上疏請夷其塚而治寄塵芝瑛罪時事越年餘朝士已廉得其實懼激國人憤格其議不究但授意浙當道密令瑾之家屬自行遷葬云

清史紀事本末卷七十三

預備立憲之宣示

德宗光緒三十一年夏六月。命鎮國公載澤。戶部侍郎戴鴻慈。兵部侍郎徐世昌。湖南巡撫端方。分赴東西洋各國。攷求一切政治。用日本明治十五年伊藤博文之故事也。晚近時代。世界各國。以專制具稱者。惟中國與俄羅斯。上年日俄之戰。西人某聞之曰。此非俄日之戰也。乃立憲專制。二治術之戰也。已而日果勝。而俄果敗。俄民羣起。而為立憲之爭。於是中國士夫亦紛紛主張其說。前有駐法使臣孫寶琦奏請立憲之舉。繼又有二三疆吏。先後以立憲為請。而樞臣懿親之中。亦稍稍持其議。南方之輿論。其勢尤張。至是為掩飾中外耳目計。特簡載澤等隨帶人員。分赴各國。攷察政治。詔既下。國人大喜。謂此為預備立憲之動機矣。秋七月。續派商部右丞紹英出洋。攷察政治。載澤等將出洋。攷察。至正陽門車站。遇炸彈。載澤紹英均受微傷。遂改期行。先是戶部侍郎鐵良南下。搜括民財。東南元氣大損。怨聲載道。有吳樾者。安徽桐城人。素具種族之思想。遂慨然以炸鐵良自任。及聞載澤等出洋。攷憲法。樾恐立憲成。益不利於漢族。乃以炸鐵良為轉而炸載澤等。是日載澤等方至前門車站。樾偕山東人張榕。偽飾僕人裝。携彈觀擲。載澤紹英皆受微傷。餘無恙。而樾之下身碎。遂自斃。樾逸去。九月。命山東布政使尚其亨。順天府丞李威。鐸。會同載澤戴鴻慈端方前往各國。攷察政治。徐世昌紹英遇炸後。不果行。故改派其亨威鐸二人。冬十月。命政務處籌定立憲大綱。旋設攷察政治館。時雖未明布立憲之說。已隱然以預布立憲之舉動。昭示於國人。然憲法必由欽定。不許人民干預。識者知其粉飾觀聽。非真有公天下

清史紀事本末
卷一百一十五
之心也。十一月設立學部。國子監併入。慶親王奕劻等與日使訂中日新約成。

三十二年春正月。北海萬善殿災。三月宣示教育宗旨。從學部奏請也。江西南昌縣民毀法

國教堂。戕殺士王安之等。安之邀知縣江召棠至天主堂議事。召棠咽喉被創旋卒。人民聚眾毀教堂。戕安之等。詔撤巡撫胡廷幹任。派侍郎梁敦彥偕法使館人員往查辦。并以給撫卹賠償銀

結案。

夏四月裁撤各省學政改設提學使司提學使。

頒行破產律。

派戶部右侍郎鐵良充

督辦稅務大臣。署外務部右侍郎唐紹儀為會辦大臣。秋七月宣示預備立憲。命先將官制分

別議定。俟數年後規模粗具再行宣布立憲實行期限。時載澤等致察各國政治回國。條陳仿行

憲政。派醇親王載灃等公同閱看。決定先從官制入手預備。詔略曰。現在各國交通。政治法度皆

有彼此相因之勢。而我國政令積久相仍。日處貽危。受惠迫切。非廣求智識。更訂法制。上無以承

祖宗締造之心。下無以慰臣庶平治之望。是以前簡派大臣分赴各國。致查政治。現載澤等回國

陳奏。深以國勢不振。實由於上下相睽。內外隔閡。官不知所以保民。民不知所以衛國。而各國之

所以富強者。實由於實行憲法。取決公論。軍民一體呼吸相通。博採衆長。明定政體。以及籌備財

政。經畫政務。無不公之於黎庶。又在各國相師。變通盡利。政通民和。有由來矣。時處今日。惟有及

時詳晰甄核。仿行憲政。大權統諸朝廷。庶政公諸輿論。以立國家萬年有道之基。但目前規制未

備。民智未開。若操切從事。徒飾堂文。何以對國民。而昭大信。故廓清積弊。明定責成。必從官制入

手。必應先將官制分別議定。次第更張。並將各項法律。詳慎釐訂。而又廣興教育。清釐財政。整頓武

備。普設巡警。使紳民明悉國政。以預備立憲基礎。若內外臣工切實振興。力求成就。俟數年後規

模祖具查看情形。參用各國成法。妥議立憲實行期限。再行宣布天下。視進步之遲速。定期限之遠近。各省將軍督撫。諭士庶人等。發憤為學。各明忠君愛國之義。合羣進化之理。勿以私見害公益。勿以小忿敗大謀。尊崇秩序。保守和平。以預備立憲國之資格。有厚望焉。派載澤編纂官制。並命端方派員來京。隨同參議。又派慶王奕劻。閣臣孫家鼐。翟鴻禨。總司核定。九月。宣示釐定官制。內閣軍機處外務部吏部學部皆如舊。巡警部改為民政部。戶部改為度支部。以財政處稅務處併入。太常光祿鴻臚三寺併入禮部。兵部改為陸軍部。以練兵處大僕寺併入。商部改為農工商部。另設郵傳部。理藩院改為理藩部。各部除外務部外。均設尚書一員。侍郎二員。不分滿漢。都察院改為都御史一員。副都御史一員。命編訂直省官制。命改刑部為法部。專任司法。大理寺為大理院。專司審判。改政務處為會議政務處。改軍機處章京為實官。冬十一月。裁廣東陸路提督缺。歸併水師。升孔子為大祀。十一月。設京師內外城總廳。

三十三年。春二月。郵傳部尚書張百熙卒。予諡文達。百熙與侍郎唐紹儀因事互相揭參。受申飭歸。惠憤成疾卒。三月。改盛京將軍為東三省總督。兼管三省將軍事務。奉天吉林黑龍江各設巡撫。夏四月。御史趙啟霖以奏參疆臣賞祿親貴革職。初。道員段芝貴奉命署理黑龍江。巡撫啟霖具疏糾參。稱慶王奕劻之子貝子銜鎮國將軍尚書載振。至東三省查事。還過天津。芝貴以一萬二千金。購歌妓楊翠喜以獻。復從天津商會王竹林措十萬金為慶親王壽禮等語。廷派醇王載灃大學士孫家鼐確查。至是查明楊翠喜實為商人王益孫買作使女。王竹林係河南候補道。充當天津商務局總辦。實無借金給芝貴之事。覆上。以啟霖污蔑親貴重臣名節奪職。時芝貴

已命毋庸署理巡撫。載振旋亦奏請開去各項差使。優詔許之。至六月復啟霖職。五月命編辦大學士瞿鴻禨開缺回籍。鴻禨在軍機處與奕劻不協。及奕劻與載振屢次為言。官參劾中西報紙攻擊之尤不遺餘力。奕劻疑為鴻禨所使。嗾學士惲毓鼎參鴻禨暗通報館。授意言官陰結外提分布黨羽疏入。命大學士孫家鼐尚書鐵良查明具奏。又詔姑免深究。若開缺回籍。改各省按察使為提法使。增設巡警勸業道。裁撤分巡分守各道。分設審判廳。增易佐治員。命由東三省先行開辦。直隸江蘇兩省亦擇地先為試辦。其餘各省分年分地請旨辦理。統限十五年一律通行。六月設禮學館。命嗣後各衙門引見人員暫歸內閣驗放。設軍諮府。永定河南五工北四上汛先後漫口。允農工商部奏請設置公園於京師。時農工商部奏請將西直門外之可園（俗名三貝子花園）量加修葺推廣。改名公園。並由日本運到珍禽異獸多種。並廣植花木。以便游觀。太后時復臨幸。以園中高樓為傳膳之所。太后自題扁額曰暢觀樓。餘如自在莊幽風堂皆太后所榜題也。秋七月。命內外各衙門妥議化解滿漢畛域。時革命排滿之風日甚。而朝堂之上輒以滿漢官職禮數之不平等。時起暗潮。至是為調和兩造之計。因有是命。命兩廣總督岑春煊開缺。先是張百熙卒。春煊由川督入掌郵傳部。春煊甫蒞部。即劾罷侍郎朱寶奎。奕劻等惡之。適廣東缺廉及饒平會黨起事。遂借此出之。以春煊任粵督。春煊疏辭不許。迨至滬遂稱疾不行。至是時旨命開缺。改政察政治館為憲政編查館。歸併會議政務處於內閣。派農工商部右侍郎楊士琦往南洋各埠。政察華僑。時因南洋華僑商會成立。政府頗為注意。特遣士琦前往各埠。政察情形。防其與黨人通也。八月。命外務部右侍郎汪大燮郵傳部右侍郎于式枚

學部右侍郎達壽。分赴英德日本國考察憲政。以商人吳金印仿造藤草帽賞給五年商標。詔設資政院。命各省籌畫駐防旗丁生計。九月。命禮部及修訂法律大臣議訂滿漢通行禮制刑律。命中外大臣薦舉人才。命各省速設諮議局。命各省設立調查局。各部院設立統計處。冬十月。命孫家鼐等輪班進講經史及國朝掌故。十一月。復設廣東水陸兩提督缺。諭禁學生干預政治。諭禁京師開會演說等事。都察院代遞湖南舉人蕭鶴祥條陳請開國會。不允。先是。都御史陸寶忠等。御史江春霖。給事中忠康等。前後疏請開國會。謂國會為議院之基礎。資政院為貴族之更名。均下政務處。至是。皆議駁。謂應俟各省議事會董事會辦有成效。再行議開國會。命民政部迅速議訂報律。

三十四年。春正月。廣東緝獲日本輪船二辰丸。私運軍火。日人抗議。旋以賠款服禮結案。二月。命達壽回京供職。改派學部右丞李家駒赴日本國考察憲政。夏四月。綏遠城將軍貽穀以放墾蒙城。浮收鹽利。濫殺台吉丹丕爾一家五命。逮問。頒行遠警律。五月。加恩咸豐同治以來功臣子孫有差。六月。頒行諮議局章程。及議員選舉章程。秋七月。查禁政聞社。廣東風災。湖南湖北廣東水災。八月。頒布憲法大綱。先是。慶王奕劻等奏進憲法大綱。暨議院法選舉法要領。及議院未開以前。逐年應行籌備事宜。今刊刻謄黃。分發在京各衙門。在外各督撫府尹司道。懸掛堂上。責成依限舉辦。每屆六個月。將籌辦成績。彙列奏聞。憲法大綱如下。一。大清皇帝統治大清帝國。萬世一系。永永尊戴。一。君上神聖尊嚴。不可侵犯。一。欽定頒行法律。及發交議院之權。（凡法律雖經議院議決。而未來詔命批准頒布者。不能見諸施行）一。召集開開休展及解

散議院之權（解散之時即令國民重行選舉新議員其被解散之舊議員即與齊民無異倘有抗違量其情節以相當之法律處治）一、設官制秩及黜陟百司之權（用人之權操之君上而大臣輔弼之議院不得干預）一、統率陸海軍及編定軍制之權（君上調遣全國軍隊制定常備兵額得以全權執行凡一切軍事皆非議院所干預）一、宣戰講和訂立條約及派遣使臣與認受使臣之權（國交之事由君上親裁不付議院議決）一、宣告戒嚴之權（當緊急時得以詔令限制臣民之自由）一、爵賞及恩赦之權（恩出自君上非臣下所得擅專）一、總攬司法權委任司法衙門遵欽定法律行之不以詔令隨時更改（司法之權操諸君上審判官均由君上委任代行司法不以詔令隨時更改者案件關繫至重故必以已經欽定法律為準免涉紛歧）一、發命令及使發命令之權惟已定之法律非交議院協贊奏經欽定時不以命令更改廢止（法律為君上實行司法權之用命令為君上實行行政權之用而權分立故不以命令改廢法律）一、在議院開會時遇有緊急之事得發代法律之詔令並得以詔令籌措必需之財用惟至次年會期須交議院協議一皇帝經費應由君上制定常額自國庫提支議院不得置議一皇室大典應由君上督率皇族及特派大臣議定議院不得干預臣民權利義務如下：一、臣民於法律範圍以內所有言論著作出版及集會結社等事均准其自由一、臣民非按照法律所定不加以逮捕監禁處罰一、臣民可以請法官審判其呈訴之案件一、臣民應專受法律所定審判衙門之審判一、臣民之財產及居住無故不加侵擾一、臣民按照法律所定有納稅當兵之義務一、臣民規定之賦稅非經新定法律更改悉仍照舊輸納一、臣民有遵守國家法律之義務

編者曰是役遣人出洋考察政治所謂為立憲之預備也然特簡親貴隨員又皆宦海中人以是為國民代表國人早知朝廷用意之所在與故皆稱為欽賜之憲法外人則且從而嘲笑之謂中國將立上議院議員以內之尚侍九卿外之督撫為之可稱為非廢非為之立憲云

清史紀事本末卷七十四

諭禁鴉片之嚴厲

德宗光緒二年秋八月定嚴禁栽種鴉片煙之禁始自雍正時其初但充禁品英商以之販運內地稱洋藥故民間吸食者極少至道光初其風始熾尋由印度傳之雲南而南土興販轉傳至四川而有川土又傳至甘肅而有西土由是而至貴州由是而至陝西山西一二十年來廢田而種鴉片歲益浸廣而西洋販運中國亦歲益增多蓋開種日繁即吸食者日衆勢將盡中國之人皆至失其生理槁項黃城奄奄僅存無異殘廢西洋人士知鴉片為害之烈與中國受害之深也相與設為公會廣勸禁止栽種販賣於是中國人亦恥之言路紛紛具疏請嚴禁吸食並禁種鴉片固有是舉然亦徒有章程並無實事不免為外人所竊笑而已

三年春二月駐英使臣郭嵩焘奏請設法嚴禁鴉片煙不報嵩焘奉命使英初至倫敦英閭世爵夏弗斯伯里議政院馬光斯求爾德教士里格德爾刺爾丹拿畢等五十餘人來謁力勸中國設法禁煙又其議員阿什伯里游歷各國所至風土人情皆照相以記之而於中國男女僅卧吸食鴉片之事共傳觀以取笑嵩焘恥之是年正月嵩焘復接據粵紳唐德峻稟呈咨請總理衙門轉奏其後屢見英國士紳力除鴉片煙之害發於至誠又接粵紳桂文燦溫清漢等二稟至是具疏入告請設法嚴禁人民吸食略謂鴉片產出印度而南洋附近之暹羅東洋之日本皆有屬禁無吸食者獨中國販運銷行每年課稅至數千萬為英國人入款一大宗而其地士紳會議猶勸勸焉謂煙土貽毒中國引以為外倡言禁土中國人民肆行吸食略無悔悟其勢非嚴定督撫處分以

督率州縣不能望有轉機請朝廷堅以持之寬以期之限示三年責成督撫分飭各州縣多製戒烟方藥施散勸諭以滿三年為期逾期不能戒者官吏參革生監舉人獲斥長官不舉發者同罪而凡文武應試士子例具五重互結宜以鴉片煙為首禁容隱者一併除名童生吸食鴉片煙皆先停考濫入場者廩保坐黜廩生吸煙皆先停止保人濫保者數官坐黜而於各省裁種鴉片地地方則由有司官勸諭紳民整頓所屬地方漸摩勸化更需以二十年之期盡人民而變革之矣疏入不省三月郭嵩燾奏鴉片為害中國擬請設法禁止下各將軍府尹各直省督撫議奏嵩燾再疏稱臣光緒三年二月初八日具奏設法嚴禁鴉片一摺至今未奉批諭竊維國家興利除弊閭閻重大未易輕議整頓鴉片煙為害中國五六十年通計各省士民陷溺其中者率十之四五其害日廣其毒亦日深道光十九年特詔嚴禁遂至激成海疆之禍而吸煙者愈多至咸豐九年例禁已開更無顧忌臣於此時復為禁止鴉片煙之議人皆知其難行而臣揆之事理驗之人心顧獨以為至易蓋使國家設立科條責成地方官禁之徒以擾累百姓其終必至愈禁而愈開使人民自為禁制以獎勵其廉恥而激發其天良則動於詔旨一二言而人心自振積弊亦將自除並陳辦法數條一權衡人情以定限制之期二嚴禁教種以除蔓延之害三嚴防訛詐以除胥吏之擾四選派紳員以重稽查之責五明定章程以示勸懲之義六禁革煙館以絕傳染之害奏上諭交各該將軍府尹各直省督撫斟酌妥議具奏原奏著發欽

四年春二月工部右侍郎閻敬銘山西巡撫曾國荃奏申明裁種鴉片禁售充之自郭嵩燾再疏條陳禁煙之法奉旨交各省議覆後久之仍寂然無聞是年敬銘因督辦秦晉工賑在山西見鴉

省地半硤瘠。產糧本不見多。又不按畝力耕。私栽鴉粟。民間既少存糧。一遇荒歉。盡成飢殍。特商
同國荃出示曉諭。勸民間嗣後務當變計。盡力農作。期於國產克盈。山荒有備。所有栽種鴉粟者。
責令族長甲長押令拔除。改種五穀。違者究治。官吏私栽鴉粟。畝概立予參撤。至是具疏奏明。諭
如所議行。並着各省仿照章程。一體嚴禁。秋七月。陝甘總督左宗棠奏。請將禁種鴉粟不力及
實在出力各員分別懲勸。從之。宗棠在甘肅。督飭司遊設法勸禁栽種鴉粟。頗著成效。至是奏請
懲勸查禁不力及出力各員。奉旨依准。所有查禁不力之儘先道宜夏府知府李宗賓。候補直隸
州知州代理寧夏縣知縣胡韻蘭。宣州知州孫承弼。兩當知縣任懋修。碾伯縣知縣邵杜寧。朔縣知
縣賀昇運等。革職開缺。撤任有差。其查禁尤為出力之寧靈廳同知喻光容。實知府銜署中衛縣
知縣劉然亮。署寧夏府知府張家槐。署平羅縣知縣呂恕代。理寧夏縣知縣李日乾。代理宣州知
州德隆。署甘肅寧夏鎮總兵馮南斌等。均交部優敘。九月。曾國荃奏。會省禁種鴉粟。請仿照兩
江。將栽種鴉粟地畝。充公章程辦理。尤之。國荃前與閩故銘奏。明重申栽種鴉粟舊禁。係通編修
李用清重疏至督。就便察看。督省各廳州縣所種鴉粟之處。較一十年前減去十之六七。因誠告國
荃。乘此大校種費之時。勸民改業。可期事半功倍。國荃副查兩江禁止鴉粟。有將地畝充公章程。
最為民間所畏懼。至是奏請仿照辦理。並請將地方官稽查不嚴。及能力禁而不擾民間者。分
別撤參獎。諭如所議行。

八年夏六月。山西巡撫張之洞奏。民間栽種鴉粟。有妨嘉穀。擬嚴法申禁。尤之。之洞疏稱。晉民好
種鴉粟。最盛者二十餘廳州縣。其餘多少不等。幾於無縣無之。曠土傷農。以致畝無棲糧。家無儲

粟丁戊奇荒。其禍實中於此。然而覆轍相沿。不知迷復。設者或持不宜禁之說。大率一由見小。一由畏難。然臣謂以地以時。有不可不禁者。四晉地硯瘠。產糧無多。早年本恃外有接濟。自為營。粟所奪。蓋藏益空。即如前此大槓。垣曲產煙最多。鐵范亦最。最近日種煙之地。以交城為最。咸而糧價亦以交城為最昂。賊民害稼。確有明證。此時若再不遏其流。設有偏災。豈堪設想。此必禁者一也。晉省山農多。水利少。種植營。粟之功。倍於蔬卉。偶有山溪水游。可資灌溉。悉以歸之營。粟。此物最耗地力。數年之後。更種他穀。亦且不蕃。僅有此區區難得之水利。而養此毒民之物。此必禁者二也。晉省以煙之癖。官吏士民。弁兵胥役。以及婦人女子。雖皆沾染。大率鄉僻居其十之六。城市居其十之八。人人炫贏。家家憂起。急情願。靡毫無朝氣。在官者不修其職。貪力者不勤其業。循此不已。貧者益貧。弱者益弱。數十年後。晉其危乎。惟種之多者。故吸之便。此必禁者三也。洋藥稅為海關大宗。今日方議重徵。藉禁外販。以為坊民正俗之謀。若內地不禁。聽其善。何以關遠人之口。此必禁者四也。查晉省營。粟之所以不能禁者。一由於上官之禁弛不一。朝令夕更。一由於官吏之視為利源。國收稅法。此二弊。必有成效。可觀。臣愚以為禁之有方。行之有漸。先膏腴而後硯瘠。先腹地而後邊屬。責之於鄉僻。毋使付之於吏胥。道之於播種之先。毋使毀之於播種之後。力禁苛虐。嚴定政成。感民以誠。未有不勸。雖不能遽絕根株。而少一畦之營。粟。即多一口之餘糧矣。至於官紳將卒。臣已多方勸戒。現仿奉鴻章天津所設之戒煙局。延醫購藥。以冀廣起沉痾。屬官有嗜好。廢事者。分別撤任。停委勒限戒斷。許今自新。身勇勒限戒斷。不悛者。汰黜學校。諸生。由學臣隨時查。其以漸摩觀感。徐收移風易化之功。疏入。報聞。仍著隨時查察。有犯必懲。

三十一年春正月戶部奏洋藥土藥害人耗財擬嚴定分年禁法並一辦法從之中國鴉片之禍
彌漫已臻極點始馬禁膏禁吸禁種終於無效近年以財政紊亂例行逆施藉口變通之法略加
徵稅使購買不易吸食者自寡於是各直省中土捐膏捐所在皆是顧入格於洋關則既不能重
徵阻礙土藥之銷路故有稅亦與無稅等時西人譏中國之風俗謂不去其五經毒鴉片毒終無
望治之一日一時臣工皆恥之紛紛條奏禁烟辦法如駐義使臣許珏奏陳義國權煙大畧擬請
先就土藥整頓試辦直督袁世凱奏覆征收膏稅事體繁重請飭戶部籌議辦理先復下部然諸
條陳辦法皆主張以徵為禁謂雖多取而非虐其實則征而已禁未能也況局于愈密越愈多
岐路未易稽查私土因而充斥不惟禁不能禁而且征無從征部臣有見於此與其求征稅之方
稅仍不旺不若行禁煙之策害可永除因仿日本治臺灣禁煙法由官熬膏撥准吸准買之權擬
定分年禁法等一辦法入奏請照所議行

三十二年秋八月諭禁鴉片定限十年以內將洋土藥之害一律革除淨盡著政務處妥議嚴禁
吸食並禁種鴉片章程旋會議政務處大臣籌擬禁煙辦法十條具覆一限種鴉片以淨根株二
分給牌照以杜新吸三勒限戒煙以蘇痼疾四禁止煙館以清淵藪五清查煙店以資稽察六官
製方藥以便醫治七准設戒煙會以宏善舉八責成地方督率紳董以期實行九嚴禁官員吸食
以端表率十商禁洋藥進口以遏來源疏入奉旨頒行

三十三年秋九月以署親王魁斌莊親王載功都御史陸寶忠副都御史陳名侃等吸食鴉片情
形顯著將所任差缺照章先行派員署理如能迅速戒斷仍准照舊供職

三十四年春二月外務部奏覆陳等議禁煙與各國商定辦法六條請飭民政部度支部速行會訂稽核章程嚴定致成通頒直省責成各督撫實力奉行從之上年十月間外部與英使妥商禁煙辦法六條一洋藥分年遞減以五年內進口款數折中定額自一千九百七年以後年減一成十年淨盡二印度之噶里古達為洋藥總匯之地由中國派員前往監視拍賣打色俾知發運洋藥實數三土藥稅每擔現已加抽至一百十五兩洋藥力量倍於土藥而原有之釐稅併徵祇一百十兩應照原定之稅數加倍徵收以徵為禁一香港為洋藥無膏之地應由港督協助嚴禁煙膏不得運入中國境內一租界內煙店煙館及各吸煙之所並各行店售賣煙具其清查禁禁之法照中國地方官辦法一律辦理一嗎啡及嗎啡針之害設法禁止已載在中英中美新約惟須有約各國應允照行方可舉辦後經雙方議定第一節印度洋藥以出口五萬一千箱之數為定額按年遞減五千一百箱自一千九百零八年（光緒三十四年十二月）為實行之始第二節申明中國派往印度之員祇查發運洋藥實數並不干預他概第三節加增洋藥稅釐俟土藥統捐及土藥價值調查明確後再行續商第四節聲明香港煙膏禁止出入口入華並禁止煙膏由華入港之貿易第五節如華官在各項租界外實行禁止煙館及吸煙處所各口岸租界內工部局不俟華官之請自行設法辦理第六節禁止運入嗎啡及嗎啡針一俟有約各國全允即應照行後由外部照會法蘭荷三國公使嚴禁越南澳門南洋各島轉運洋藥入口惟波斯為無約之國部中咨行稅務處轉飭總稅司等嚴辦其禁止嗎啡嗎啡針運華亦由部中照會各國應允至是奏聞疏入依議三月派恭親王溥儀協辦大學士鹿傳霖協辦資政院事務於是丁振鐸充辦理禁

煙大臣。秋七月。以內閣學士文海。載昌。風惠。煙膠。混註冊。均著革職。

末帝宣統元年。春二月。申諭禁煙辦法。冬十二月。頒行禁煙條例。

二年。秋八月。以吉林等省清除煙土未淨。該督撫均交部議處。先是。因各省疆吏奏請變通禁煙年限。政府恐各省奏報不實。乃飭令度支部派員赴各省密查。至是覆稱。吉林。黑龍江。河南。山西。福建。雲南。新疆等省。均經奏報一律肅清。其實並未淨盡。各督撫均交部議處。其山西。吉林。雲南等省。從前保案。均撤銷。冬十二月。申嚴煙禁。

三年。夏四月。因外務部與英使續定禁煙條件。飭各省督撫。迅將禁種禁吸禁運各事。認真整頓。

清史紀事本末卷七十五

宣統副立

德宗光緒三十四年冬十月。授醇親王載灃為攝政王。帝自上年入秋以來患疾不御殿者兩載餘。上月達賴喇嘛勒朗結來朝。二十日。帝猶勉御仁壽殿接見。是月初六日。復御紫光閣賜燕。至初十日。太后為壽節。勒朗結率使祝嘏。帝已疾甚。不能親詣行禮。但傳旨加封勒朗結為誠順贊化西天大善自在佛。至二十日。太后亦不豫。乃命載灃暫設朝政。命載灃之子溥儀在宮內養。並在上書房讀書。時太后知帝疾將不起。而未有儲戒。乃於是月二十日取溥儀入宮。命皇后鞠之。生三年矣。其母為醇邸福晉。故大學士榮祿女也。太后尋命慶王奕劻往奏帝。帝曰。立嗣以長。不亦順乎。繼聞以醇王攝政。帝喜曰。付託得人矣。帝崩時。是月二十一日酉刻也。遺詔略曰。朕躬氣血素弱。自去年秋間不豫。醫治至今。日以增劇。以致綱留不起。顧念神器至重。亟宜傳付得人。茲欽奉皇太后懿旨。以攝政王載灃之子溥儀入承大統。為嗣皇帝。必能仰體慈懷。欽承付託。中外臣工務當恪遵前次諭旨。各按逐年籌備事宜。切實辦理。庶幾九年以後。頒布立憲。克終朕未竟之志。太后命以嗣皇帝承繼穆宗為嗣。兼承大行皇帝之祧。以攝政王為監國。尊太后為太皇太后。兼祧母后為皇太后。太皇太后葉赫那拉氏崩時。是月二十二日未刻也。安撫馬隊兵變。駐安慶馬隊官熊成基欲乘秋操起事。是月二十六日黎明。率眾襲城。城中嚴守。不得入。又為江中兵艦所攻。遂向西北桐城枞陽等處退走。眾漸潰散。成基復於哈爾濱被捕。死於吉林。十一月。嗣皇帝即位。以明年為宣統元年。上大行皇帝尊諡曰。同天崇運大中至正。

經文緯武仁孝睿智端儉寬勤景皇帝廟號德宗陵曰崇陵 上大行太皇太后尊諡曰孝欽顯
皇后 頒行監國攝政王禮節 設立變通旗制處 上太后徽號曰隆裕皇太后 命奕劻以
親王世襲罔替並加恩王公大臣有差 定諭旨由軍機大臣署名之制 十二月另編禁衛軍
由監國攝政王秉鈞 大學士王文韶等予議文勳 收還京漢鐵路 命軍機大臣袁世凱開
缺回籍養病 命那桐在軍機大臣上學習行走 以外務部右侍郎梁敦彥署理外務部尚書
末帝宣統元年春正月郵傳部尚書陳璧以用款靡費調員冒濫革職 以東三省總督徐世昌
為郵傳部尚書 三月各國派送德宗景皇帝梓宮專使覲見 德宗景皇帝梓宮奉移山陵
追子故戶部尚書立山兵部尚書徐用儀吏部侍郎許景澄內閣學士聯元太常寺卿袁昶議
夏四月命貝子銜鎮國將軍載振往日本國法部尚書戴鴻慈往俄國答謝派遺專使來送梓宮
命各省財政統歸藩司或度支司綜核其餘一切局所予限一年次第裁撤 五月開復前協
辦大學士翁同龢原官 監國攝政王暫行代理海陸軍大元帥並先行專摺軍機處 六月以
督辦津浦鐵路大臣呂海寰失察路局局員牟德順營私開去差使以郵傳部尚書徐世昌代之
秋七月派兩江總督張人駿為南洋勸業會會長 與日本訂立東三省交涉五案條款咸日
本因安奉鐵路改築事自由行動交涉幾致決裂至是並其他諸案及吉長借款契約訂立條款
完案 八月大學士張之洞卒予諡文襄 福建福州大火大風死者百餘人傷者二百餘人船
船沉沒者二千餘艘 命法部尚書戴鴻慈在軍機大臣上行走 九月以軍機大臣鹿傳霖為
大學士吏部尚書陸潤庠協辦大學士 冬十月直隸總督端方以恣意任性不知大體革職端

方因德宗梓宮令人在太后行宮外攝影為散秩大臣李國杰所勦乃坐以焚化冥錫時東興橫街神路遂革職大學士孫家鼐年于懿文正以陸潤庠為大學士戴鴻慈協辦大學士十二月諭誠建言諸臣不得懷挾私見及毛舉細故不知大體實給游學專門唐天佑嚴復等進士舉人有差監園面奉太后懿旨明年正月初十日萬壽皇帝在宮內行禮停止慶賀時太后居延熙宮中大內御花園之東有土阜一區向以日者之言不宜建築帝登極後於此興修水殿以奉養太后四圍浚池引玉泉山水環繞之殿凡九層層九間又四角各有一亭計三十九間以銅為棟以玻璃為牆四壁空明入其中者如置身琉璃世界牆之夾層中置水蓄魚下層地板亦以玻璃為之俯首而窺池中游魚一一可數荇藻參差青翠如畫地板又可開闔時或揚起駕小舟直達宮外中層上層亦用玻璃上層頂上更有玻璃缸數事為首魚之需樓梯皆置宮外由東南亭內曲折環繞漸升而不自知也太后自題扁額曰靈沼軒而俗呼曰水晶宮聞此次工程費帑已達百萬以上避位之時尚未畢工也

二年春正月革阿旺羅布藏吐布丹甲錯濟察汪曲却勒朗結達賴喇嘛名號勒朗結自三十年六月避英兵至庫倫朝命革去達賴喇嘛名號及勒朗結折回西寧三十四年詔諭其來朝賜加封號上年並派員護送回藏至十二月駐藏大臣趙爾豐急電告政府謂勒朗結與俄國訂結協約請政府牒告各國使臣謂該約非經中國皇帝認可則作為無效時爾豐之兄爾興督川即派大軍入藏以為爾豐干涉藏政之後援是年正月初三日川兵至拉薩勒朗結即於是夜出奔印度至是命褫去其法號令爾豐別選靈異幼童擇立以為達賴勒朗結懇政府之暴於英英公使質

於外務部。部答以違賴謀叛。故黜之。吾國對於西藏政治無所變更也。勒朗結復懇於俄英俄皆
噴有煩言。而印度佛教徒方鼓舉空前絕後之威儀以歡迎勒朗結云。戴鴻慈卒。以郵傳部尚
書徐世昌協辦大學士。命內閣學士吳郁生。在軍機大臣上學習行走。定嗣後內外文武滿
漢諸臣陳奏事件。一律稱臣。二月。山西交城文水兩縣人民。因禁烟暴動。旋討平之。廣東黨
人汪兆銘等。謀刺監國攝政王事洩。被獲。命永遠監禁。先是。兆銘等約定為死刑。時監國鑒於黨
禍日夕相尋。恐益重其怒。乃作釋怨之舉。博寬大之名。肅王善耆又從事贊成。遂飭法部以擾害
治安定擬判決二人。皆處以無期徒刑。加重永遠禁錮。三月。湖南省城饑民暴動。焚毀巡撫衙
門及教堂學堂。先是上年。長沙所屬秋收歉薄。是年奸商復運米出省。售於外人。鄉民阻撓。不獲米
價。因之而昂貴。是月初五日。饑民數百擁至撫署。要求平糶。巡撫岑春煊。欲勸紳捐。先辦義賑。方紳
王先謙首先投議。葉德輝續為餘石。不允出賑。遂致變起。秀民痞棍聚至數千。縱火撫署及教堂
學堂。先謙等乃歸咎撫臣。激變電請簡易巡撫。孔憲教楊肇儒。擁戴藩司莊廣良。由少數劣紳
推為巡撫。朋黨撫臣不遺餘力。事聞。朝命春煊開缺。派湖北藩司楊文鼎前往暫行署理湖南巡
撫。旋命湖廣總督瑞澂會同文鼎澈底查究。復經查明地方文武辦理不善。及紳士挾私釀亂。奏
請分別懲儆。疏入。文武各員。春煊廢良。巡警道賴承裕。鹽法道柳廷熙。長沙協都司貴齡。左營守
備周長泰。消防所長游擊龔培林。警務委員知縣周騰均。著革職。餘降調。革留察。該劣紳前國
子監祭酒王先謙。分省補用道孔憲教。均著降五級調用。吏部主事葉德輝。候選道楊肇均。著革
職。交地方官嚴加管束。歲奉天巡撫缺。及四月。彗星見於西北。月餘乃滅。命郵傳部左侍

郎汪大燮出使日本國 五月江蘇沛縣男化為女縣城東南十八里爲莊潘氏子年六歲於夜

分時驚哭數聲次晨自言下體有異母驗之已變為女 予進士館游學畢業員項驥等獎勵有

差 六月山東萊陽海陽縣人民因抵抗苛稅暴動為官兵殺傷數百人先是民間以銅元兌納

錢糧皆按七折扣算是年春海陽縣方奎開徵更按五折扣算復加以火耗輕封封尾鹽金德麥

諸酒規正供一兩民間所納需大錢三千七百八十文民不堪命亂機遂萌萊陽則以開辦地方

自治紳士王所等肆意苛徵釐重稅過於正供間架有稅人頭有稅牛馬亦有常捐民間稍有

抵抗縣官朱槐之復袒助劣紳苛徵不遂淫刑以逞及至釀成禍變復歸罪於曲思文謂其煽眾

謀亂調兵剿辦劫殺淫暴甚於盜賊顧猶以兵力之不足復請朝旨派第五鎮練軍馳赴助剿凶

殘劣弁肆其鉏戮死傷者幾及千人 六月諭飭各督撫慎選牧令有鑒於萊陽海陽之禍也

秋七月革開缺江西提學使浙路總理湯壽潛職不准干預路事壽潛為浙路事電軍機處詆郵

傳部侍郎盛宣懷為蘇浙路罪魁禍首不應令其回任請收回成命或調離路事以謝天下廷旨

斥其荒謬狂悖予嚴譴 大學士鹿傳霖卒于謫文端 設各有交涉使 命外務部右丞沈瑞

麟出使奧國 八月命外務部右丞劉玉麟出使英國 命陸軍部尚書蔭昌兼充訓練近畿各

鎮大臣 命近畿陸軍均歸陸軍部直接管轄裁撤近畿督練公所 改四川鹽茶道為鹽運使

並設奉天鹽運使 以徐世昌為大學士吏部尚書李殿林協辦大學士 革江海關道蔡乃煌

職因度支部奏參乃煌於辦理欵項罔利營私居心狡詐不顧大局令革職 九月四川定鄉兵

變竄陷雲南中旬旋被官軍剿平 賞給游學畢業生吳乃琛等進士舉人有差 予進士館游

學畢業員錢崇威等獎勵有差 賞給陸軍游學畢業生黃承恩等舉人並授軍職有差 命散秩大臣一等肅毅侯李國杰出使比國 冬十一月賞給陸軍游學畢業生李宜倜等舉人並授軍職有差 賞給陸軍游學畢業生全恕等舉人並授軍職有差 予進士館游學畢業員宋育德等獎勵有差 賞給北洋大學堂畢業生馮熙敏等進士並授職有差 十二月雲南大姚縣人民暴動縣城失守旋為官軍剿平 派東三省總督錫良直隸總督陳夔龍兩江總督張人駿湖廣總督瑞澂雲貴總督李經羲參訂外省官制 賞給游學陸軍畢業生李兆綸等林鳳游等工科畢業生陳祖良法政科畢業生鄭際平舉人並授職有差 派員子銜鎮國將軍載振為頭等專使往英國賀英君加冕時英人以載振為皇室疏族於政界又不占重要之位置且以載振納妓楊翠喜一事故尤輕視之及載振抵英其坐席在三十六位廁於埃及使之前印度使之後與亡國賤奴等視載振歸政府憤甚乃一歸咎於駐英使臣劉玉麟謂係公文中未將貴族叙出及其他措詞多有不合嚴旨申飭之

三年春正月因英兵佔據片馬命駐英使臣請英政府撤兵中英滇緬界務久未解決上年秋間英派兵駐片馬雲貴總督及雲南紳民屢請力爭外務部命駐英使臣劉玉麟達與英政府交涉東三省現 二月四川德格春科高日三土司改流設邊北道登科府等官並改巴塘打箭爐為巴安康定二府設康安道 裁撤駐藏幫辦大臣改設左右參贊 派全國軍隊訓練六條黃興等起事於廣州燬總督衙門被官軍擊退死者七十二人興走還香港先是有廣東香山人孫文始創興中會潛謀革命先緒二十一年十月謀起事於廣州事洩走海外會員陸皓東等死

之文至倫敦為駐英使臣龔照璠所捕因英政府干涉始得釋放又有湖南長沙人黃興等與陳
天華宋教仁等相率與會二十六年十月謀舉事於長沙事洩走日本尋文至日本乃與興等合
辦同盟會密購軍火糾合會黨思於閩廣雲南起事三十三年十一月由越南進攻廣西鎮南關
奪石輔山礮臺三座旋以軍火不繼而敗三十四年三月興又有越南海防攻入雲南河口南溪
等處分兵攻蠻耗開化蒙自等處旋亦敗退至宣統二年正月廣東新軍因與巡警交關起釁興
等又乘機起事為防軍擊斃數百人餘眾潰散至是月二十九日午後四時許興率同志百餘人
往攻督署時署中防範極嚴不得入官軍蜂擁至勢不敵遂敗死七十二人興越城出渡香港

夏四月江蘇諮議局與兩江總督張人駿爭預算案全體議員辭職諭以本年秋季調集禁衛
軍及近畿各鎮陸軍在永平府大操吉林省城大火歷一晝夜始熄城內官錢局陸軍糧餉局
高等審判廳檢察廳財政局官書局圖書館皆片瓦無存監獄燒毀殆半以度支部署為尤甚民
居被燬約萬餘戶財產損失約二十餘萬人口遭難約三分之一六月太后因帝七月內在毓
慶宮入學讀書派惲德院院長陵潤庠等授讀黑虹見天越九宿復見起自西北蜿蜒至東南
而沒閏月頒行廣東禁賭條例安徽江蘇江西浙江湖南奉天黑龍江大水漢陽大火是
月十六日晚起一時水陸並焚至翌午五時始熄計陸上被焚之屋八千餘所水中被焚之船亦
千餘艘舵戶焚斃及溺死者百餘人木屋見光射東南令裁各省府治首縣秋七月監國
攝政王校閱禁衛軍八月民軍起事於湖北之武昌湖南江西陝西貴州山西雲南浙江江蘇
廣西安徽廣東福建四川先後響應九月乙丑朔日食己卯望月食冬十二月二十五日

下詔宣布退位。

清史紀事本末卷七十六

親音用事

德宗光緒三十四年冬十二月命郡王銜貝勒載瀅貝勒毓朗陸軍部尚書鐵良專司訓練禁衛軍大臣時另編禁衛軍由監國攝政王親統而派載瀅等司訓練

宣統元年春正月派肅親王善耆鎮國公載澤陸軍部尚書鐵良海軍統領薩鎮冰籌備海軍鐵良開去訓練禁衛軍差使夏五月諭以欽遵遺訓皇帝自為海陸軍大元帥未親政以前暫由攝政王代理並先行專設軍諮處以毓朗管理尋又添派載瀅管理命郡王銜貝勒載洵薩鎮冰充籌辦海軍大臣六月慶親王奕劻請開去管理陸軍部事務差使允之秋七月遣載洵薩鎮冰巡視沿江沿海各省武備旋又至歐洲各國考察海軍冬十一月以載澤為督辦鹽政大臣

二年春正月御史江春霖以奏參慶親王奕劻斥為莠言亂政命回原衙門行走奕劻以宗室終親肩樞機重任老而務得貪婪日甚與其子貝子銜鎮國將軍載振攬權納賄其門如市人以比之嚴分宜父子春霖既嚴劾載振馮汝驥說撫朱家寶而江督張人駿為之回護春霖六上疏爭之不獲乃出於擒賊擒王之壯舉專劾奕劻斥以老奸竊位多引匪人如直隸總督陳夔龍為奕劻之乾女婿安徽巡撫朱家寶之子朱鍾為載振之乾兒疏入斥其荒誕不經諭令明白回奏春霖旋復上疏引證據言之確鑿指中引已批奏張彈章有至七上得請而復已者謂區區之心竊願效之並云方今國會未開諭旨又禁言官毛舉細故臣處言路諸臣小者謂不必言大者又不

政事使馬寒蟬。習為容默。而二十二省之憲政。倚辦機臣之手。敷衍文書。無人舉條。頒布憲政。期以八年。恐未至八年。而天下事已敗壞於督撫之手。而不可收拾也。又云。樞臣賢否。實為治亂攸關。又云。敢懇聖明。攬天下才。極一時選。古人夢卜求賢。版築屠釣。皆立作相。欲建非常之業。必用非常之人。至是。謂春霖原摺。不應牽涉瑣事。羅織多人。率以數十年前捕風捉影之事。及攻訐陰利之言。恣意牽扯。謬妄已極。國家設立言官。原冀其指陳得失。有裨政治。若如該御史兩次所奏。實屬妄言亂政。有妨大局。親貴重臣。固不應任意詆詆。即內外大臣。名譽所關。亦不當輕於誣織。似此信口雌黃。意在沽名。實不稱言官之職。江春霖著回原衙門行走。旋經給事中陳田御史趙炳麟胡思敬等先後籲請收回成命。不允。於是全臺激憤。公上言。路無所遵。循請明降旨。一疏由給事中忠廉領銜。奏上。亦不省。四川提學使趙啟霖（即光緒三十三年奏參羅臣寅錄親貴者）聞之。再抗疏嚴劾。奏助。皆留中不報。啟霖遂乞骸骨。許之。春霖炳麟啟霖皆當日臺諫中之鉅擘。時有三霖之目。（麟霖同音）春霖出國門。口撰一楹聯於松筠巷曰。三疏留傳。如鎖當年稱義士。一官歸去。錦衣此日愧先生。卷中所記。為明楊椒山故云。夏四月。以督辦鹽政大臣與各督撫互爭權限。均傳旨申飭。先是。朝命載澤督辦鹽政。因會銷解私。關涉地方。令各督撫會同辦理。旋錫良等實奏。鹽政章程。諸多窒礙。當飭載澤會商各督撫。詳議具奏。及載澤覆陳。謂督撫等擬將用人行政悉歸會辦之督撫。是與從前督撫兼管鹽政無異。朝廷何責有此特舉云。乃諭責各督撫於前兩次諭旨。毫未仰體。至該督辦大臣受國重寄。應如何力任其難。認真籌辦。乃此次僅據該督等覆當面奏。意存諉卸。殊負委任。均着傳旨申飭。所有鹽務用人行政一切事宜。

著照奏定章程辦理。鹽務關係重要。務各和衷共濟。相與有成。若各懷成見。因循稽習。斷難權衡。貽誤要公。即惟該大臣及各督撫等是問。夏六月。命籌辦海軍事務大臣戴鴻慈。充參預政務大臣。戴鴻慈。察歐洲各國海軍。於上年冬還京。是月又往日本考察。諭飭各省督撫。嚴治貪官污吏。並飭貴戚及內外大臣。敦品勵行。整躬率屬。秋七月。命大學士世續。開去軍機大臣。內閣學士吳郁。生毋庸在軍機大臣上學習行走。以貝勒毓朗。編辦大學士徐世昌。為軍機大臣。諭貝勒毓朗。差務較繁。著開去步軍統領差使。諭貝勒毓朗。差務較繁。著開去專司訓練禁衛軍大臣。是八月。改四川鹽茶道為鹽運使。並設奉天鹽運使。尋以道員尹良。為四川鹽運使。熊希齡為奉天鹽運使。從戴澤奏請也。冬十月。派貝子溥倫。鎮關公載澤。充纂擬憲法大臣。十一月。改籌辦海軍處為海軍部。以戴鴻慈為海軍大臣。派海軍提督薩鎮冰。統制趙倜。長江艦隊。從戴鴻慈也。諭貝子銜貝勒載洵。載洵。差務較繁。著在內行走。毋庸兼當御前行走差使。慶親王奕劻。奏請開去軍機大臣。要差。不許。是日。資政院奏。大臣責任不明。雖資輔弼。不報。奕劻因疏。得才力竭。無補時艱。懇恩開去軍機大臣。要差。諭以該大臣受恩深重。不應請辭。並飭資政院總裁等。不得擅預。慶親王奕劻。奏懇開去軍機大臣等差。溫謝慰留。先是。奕劻欲辭出軍機。不獲。而言者。仍紛紛攻擊不已。乃再疏奏。請開去軍機大臣。及總理外務部事務。要差。疏入。奉旨。現在時會艱危。全賴親賢輔弼。慶親王奕劻。老成謀國。為先朝倚任。歷數十年。勤勤忠著。中外周知。庚子之役。維持大局。轉危為安。厥功尤偉。戊申十月。連遭傳索。景皇帝奉獻廟皇后大事。四海震動。決疑定計。卒致寰宇乂安。是該親王兩朝開濟。備歷艱辛。蓋重宏謀。洵屬有功宗社。現雖年逾七十。

仍復精神矍鑠。擘畫要政。夙夜兢兢。職任一無曠誤。當此提前辦理憲政籌設內閣。庶務繁赜。力求進行之時。該親王分屬懿親。允宜任勞任怨。始終將事。豈忍遽行引退。稍卸仔肩。所請開去。要差之處。若毋庸議。該親王務當仰體顧命。勉濟時艱。毋再固辭。用慰朕殷殷眷念之至意。十二

月。派貝子銜鎮國將軍載振。為賀英君加冕專使。

三年春二月。以貝子溥倫為農工商部尚書。溥頤為熱河都統。三月。度支部尚書載澤奏。借英美德法四國銀行款一千萬磅。合同簽押。夏四月。設立軍諮府。以載洵總辦。胡為軍諮大臣。閏六月。因永平秋操。派載洵代監。總監兩軍。命溥倫載澤會同宗人府纂擬皇宣大典。調善耆為理藩大臣。秋八月。奏助奏開去差缺。溫爾慰留。改鹽政處為鹽政院。以載澤兼任鹽政院大臣。奏助載澤罷。以湖廣總督袁世凱為內閣總理大臣。載洵罷。以蔭昌為軍諮大臣。以奕劻為弼德院院長。毓朗罷。以徐世昌為軍諮大臣。旋又命充訓練禁衛軍大臣。

假飾立憲及組織貴族內閣

末帝宣統元年春二月降諭宣示朝廷一定實行預備立憲先是光緒三十二年宣示立憲以九年為之預備數年以來政府不職百事墮廢籌備之事有名無實至是以帝初立政元欲一新國人之耳目故為無聊之頒布以自文飾夏五月命陝甘總督升允開缺以奏阻立憲故也秋八月以九月初一日各省諮議局開議降諭該議員及各督撫冬十一月革甘肅布政使毛慶蕃職因玩誤憲政也十二月直隸各省諮議局議員孫洪伊等請速開國會不允時國人見時局日亟愈謂非亟設監督機關無以促政府之改良由洪伊等聯合二十餘萬人以上書政府願請縮短立憲期限早開國會旋奉諭旨俟將來九年預備業已完全國民教育普及庶時必毅然降旨定期召集議院頒行府廳州縣地方自治章程頒行法院編制法

二年夏四月頒行現行刑律頒行幣制則例中國國幣單位定名曰圓暫就銀為本位以一圓為主幣重庫平七錢二分另以五兩二角五分一角三種銀幣及五分銀幣二分一分五厘一厘四種銅幣為輔幣圓角分釐各以十進永為定價五月諮議局議員孫洪伊等並各省旗籍各代表請速開國會不允上年國會請願見拒政府後而民志愈固至是以三十萬之大眾為第二次之請願各代表上書中有曰先帝下九年開國會之詔全由當時時勢與今不同先帝猶是克步舜趨之時我皇上已處禹湯讓之世是月二十一日奉旨仍俟九年籌備完全再行降旨定期召集議院冬十月各省諮議局及各省人民代表等請速開國會組織貴族內閣命編改於

宣統五年實行開設議院並命即行組織內閣時國人知全國會與責任內閣無以救亡再聯合各省為第三次請願之舉各省督撫亦於是年九月二十三日合詞電奏資政院於同月二十六日決議上請至是月初三日始有詔允於宣統五年召集議院並先將官制釐訂須即組織內閣編訂憲法時論謂政府全國會而先取內閣不知國會未開以前所謂責任內閣者果何所附麗且督撫電奏人民請願皆云責任內閣而詔中刪去責任二字不知無責任之內閣吾國之有之也既已久矣何俟宣統三年而始成立何俟再以詔書為之規定諭所有各省代表人等若民政部及各省督撫到切曉諭令其即日散歸各安職業派員子溥倫鎮國公載瀾允恭擬憲法大臣十一月資政院奏大臣責任不明難資輔弼不若先是資政院屢有書質問軍機責任軍機公然以不負責任覆之資政院遂具疏彈劾軍機大臣責任不明請別組織責任內閣奏入奉旨脫離設官制律及熱河百司之權為朝廷大權載在先朝欽定憲法大綱是軍機大臣負責任與不負責任豈設立責任內閣事宜朝廷自有權衡非該院總裁等所得擅攝所請著毋庸議是謝仍由軍機署名蓋假詔旨以為護符也命民政部步軍統領衙門將東三省要求速開國會代表送回原籍不准逗遛並命各督撫開導彈壓如有違抗查拏嚴辦命憲政編查館迅速籌擬內閣官制十二月頒布新刑律暨暫行章程頒布宣統三年預算案發還天津人溫世霖於新鑒以其在津組織四次國會請願也

三年春正月申諭各省停止刑罰三月頒全國軍隊訓練六條夏四月頒布內閣官制設立內閣以軍機大臣慶親王奕劻為總理大臣大學士那桐徐世昌為協理大臣外務部尚書梁敦

度為外務大臣。民政部尚書前親王善耆為民政大臣。度支部尚書鎮國公載澤為度支部尚書。陸軍部尚書蔭昌為陸軍大臣。郡王銜貝勒載洵為海軍大臣。法部尚書紹昌為司法大臣。農工商部尚書貝子溥倫為農工商大臣。郵傳部尚書盛宣懷為郵傳大臣。理藩院尚書壽耆為理藩大臣。均為國務大臣。裁撤內閣軍機處會議政務處舊設內閣大學士協辦大學士仍序次於翰林院時內閣雖成立而為奕助所阻礙閣員又以皇族居多數於是國人皆曉然其意旨之所在而稱之曰貴族內閣。設立弼德院頒布內閣官制暨內閣法制院官制裁撤憲政編查館吏部等衙門。六月都察院代奏直省諸議局議員請另行組織內閣不許時國人以皇族組織內閣不合君主立憲公例由諸議局議員呈請都察院代奏奉旨以該部官制係君上大權議員不得干預。改禮部為典禮院命溥倫裁澤纂擬皇室大典。命裁各省府治首縣設立地方裁判廳。秋九月諭撤銷內閣暫行章程不再以親貴充國務大臣。時湖北武昌民軍起湖南長沙江西九江陝西西安貴州貴陽山西太原同時響應國內人心瓦解資政院疏稱內閣應負責任國務大臣不宜委任親親是月初九日奉旨懿親執政與立憲各團通例不符我朝定制不令親貴干預朝政貴派合立憲國家精義同治以來國難未結始設攝政王以資失輔相沿至今本年設立內閣仍令王公等充國務大臣原屬一時權宜之計朝廷本無所容心茲據該院奏稱皇族內閣與立憲政體不能相容請取銷內閣暫行章程實行內閣完全制度不以親貴充當國務大臣等語所陳係為尊皇室而固國基起見朕心實深嘉納一俟事機稍定簡賢得人即令組織完全內閣不再以親貴充國務大臣並將內閣辦事暫

以符憲政而立國本。資政院奏請頒布明諭將憲法交院協贊。允之。慶親王奕劻等奏奉職
無狀請立予罷斥。允之。奕劻開去。內閣總理大臣那桐徐世昌開去。協理大臣鎮國公載澤等
奏國務重要請另簡賢能以符憲政而資治理。允之。載澤等均各開去。國務大臣授袁世凱為
內閣總理大臣。

清史紀事本末卷七十八

開設資政院

奉帝宣統元年秋七月頒行資政院章程自光緒三十二年夏秋之交致察政治五大臣回國釐定官制編成資政院官制草案五十二條翌年八月十三日有資政院為籌備憲法行增設之議是為資政院初始時代又通年訂院章十五條是年續訂院章六十五條附則二條至是漸令頒行即院中職權及議事規則所根據也其內容條件所規定與各國議院共通之原則大相刺現即於原奏所謂欽遵諭旨所決公論之精神亦多相反而文義字句間之不可索解者尤甚

二年夏四月諭定於八月二十日召集資政院並預頒欽選議員名單皇室王公世爵以希璋黃功納勒赫載澂載瀾溥霖全榮壽全載鐸載振載瀛載嵩載昆慶恕為議員滿漢世爵以希璋黃恩澄志鈞榮全榮增廷秀曾廣鑾存典李長祿敬高劉龍紀胡祖蔭為議員外藩王公世爵以博迪餘貢桑諾爾布色凌敦魯布色隆托濟勒勒旺諾爾布特古斯阿勒坦呼雅克圖棚楚克車林多爾濟帕拉穆達木賞蘇倫那彥圖索那特木扎木桑巴勒珠爾拉布坦司地克那木濟勒錯布丹為議員宗室覺羅以定秀世珣榮普成善崇安宜純為議員各部院衙門官以奎瀛陳懋鼎趙椿年錫嘏榮凱毓善劉道仁文哲璋張緝光李經畬林炳章慶蕃顧棟臣何藻翔陳善同劉澤熙魏聯奎趙炳麟儼忠胡駿王璟芬文溥吳敬修柯邵文榮厚胡祁泰汪榮寶劉華長福曹元忠吳偉炳郭家駟為議員碩學通儒以吳士鑑勞乃宣章宗元陳寶琛沈家本嚴復江瀚喻長霖沈林一陶保康為議員續行欽選資政院議員以孫以希李士鈺周廷弼林紹箕席綬王佐良宋振聲

李湛陽繼乃馨王鴻圖為議員。秋八月命修律大臣沈家本充資政院副總裁。先是三十三年八月派員于海倫大學士孫家鼐為資政院總裁。十二月命侍郎崇基俞廉三丁振鐸曹鴻勳陸元鼎協理開辦資政院事務。旋又命寶熙沈雲沛為幫辦。至是鴻勳病故。命家本充資政院副總裁。召集資政院議員謝畧謂資政院為上下議院之基礎。尤為立憲政體之精神。經畫數年。規模已具。中外觀聽咸在於茲。今當開院會集之初。朕特命軍機大臣暨參預政務大臣將各項案件妥慎籌擬。照章交議。爾議員等。其各泯除成見。奮發公心。上為朝廷竭協贊之忠。下為民庶盡代議之責。竭宏功於未竟。垂令範於將來。九月資政院開院。監國攝政王臨院宣布訓詞。資政院之建設。發生於五年以前。設置預備於三年以來。乃得於光月初一日開院。攝政王於光日蒞院。讀開會訓詞。讀畢即退。而院中內容笑柄不一。是日自開會以至展會。三小時半之時間。費於議事。日表以外之問題者十分之七。費於提案開票者十分之二。其實在用於議事日表以內之問題者。幾不到十分之一。二、議員沈林一為政府特派員。辯護引院章十九條。又引細則第四章。謂會議與討論無甚分別。議員當奮發之。語極滑稽。三、議事日表第一第二項。歸併於第六項之特任股員條。勢乃宣登臺發議。多數議員不俟議長宣告表決。即起立贊成。及議長宣告表決時。而各議員堅謂已經表決。議長不能爭。但以並未贊成一語了之。聞者觀然。四、選舉特任股員時。有三乘駕蒙古字。秘書官不識。傳問翻譯員。亦不識。某議員請詢諸蒙古王公。那桐獨言。諸譯之事。議員不能兼任。且言本院設有諸譯。尚有理藩部特派員。不應問及議員。後由秘書官徧詢各蒙古議員。皆不答。卒由議員文輝環告之。五、當秘書官將選舉問題。諸譯不能答時。那桐忽

拍掌諸蒙古議員和之一時秩序紊亂已極。冬十二月資政院開會前內資政院會期三月屆滿。議事未竣。諭令延長十日。至是月十一日延長期間。又經屆滿。若即於本日閉會。時輪播各國議院自開會以來。閉會恒繼續會議。英國常自二三月至六七月。雖其期亦解休。假日日本常自十二月間至三月新年前。休半休假期。論者且以是謂其議員之放逸。蓋各國通例。皆以議院停會為政府示威之一法。實解散之先聲也。非不得已。未嘗用之。除被命停會外。則未聞有由院自停者。今資政院開數日。始會議一次。此其可議者一也。會期既短。開會次數必少。每次率以兩三點鐘始開會。至五六點散會。於短少之中。又加短少。各國議院往往有議事至夜分者。往往有一人演說至四五點鐘之久者。今每次開議。不過數點鐘。議案則動以十計。非草草首從。即未決而散。此其可議者二也。院中議員。以欽選民選兩部分組織。而威兩造之分子。隱然若兩黨之對峙。凡民選者。以為必當攻擊政府。欽選者。以為必當為政府辯護。一院之中。對若鴻溝。此其可議者三也。各國國會決議權之範圍。雖有廣狹。其議決者。必生効力。今政府於資政院所議決。殆無一不升堂視之。以言法律。則資政院可決之法律。政府不施行之。如故。資政院否決之法律。政府施行之。如故。以言預算。資政院所議之預算案。收支不相償者。數千萬而公然敢以提出。於議決削減者。任意不削減。於議決諸為甲項之用者。任意挪用於乙項。且政府不經院議。而擬借一萬萬圓之外債。資政院亦不敢抗議。此其可議者四也。本會期中。各議員所提出之議案。有僅付寄查而未及列於正式會議者。有僅提出而未及列於議事日程者。若明知無列議之望。因而逡巡不提。出者。且不知凡幾。議員漫無聯絡。致院案叢脞。閣置。此其可議者五也。上月十七日。資政院以

軍機大臣不負責任。上疏彈劾之。當奉旨諭。徵引先朝憲法大綱。謂此事非資政院所得擅預。及第二次彈劾案。既議決。旋復取銷。既取銷。入重稅表決。旬日之間。情實三變。此其可議者六也。資政院於政府兩次議借外債。一（一萬萬一五十萬）及國會縮短期限。不將議院法選舉法草案提出。所議預算案。不付議決。院章之改正。行政裁判會計檢查法之頒定等。皆本會期最重要之問題。皆不議及。而於地方學務塾務諸章程。皆去其極重之者。其餘如幣制銀行鐵路等。皆本會期斷不可少之質問。盡皆不一及之。此其可議者七也。

三年春二月。以大學士世續充資政院總裁。侍郎李家駒充副總裁。世續奏辭不許。夏四月。召集資政院第二次常會。資政院奏請開臨時會議。決借款預算兩事。不許。六月。改訂資政院院章。旋即改定頒行。秋九月。資政院開院。派禮親王世鐸代臨行開院禮。資政院奏參郵傳大臣盛宣懷違法侵權。滋生變亂。命革宣懷職。資政院奏請取銷內閣暫行章程。不以親貴充國務大臣。從之。並允將憲法交資政院協贊。資政院奏請速開黨禁。從之。世續因病請開資政院總裁缺。允之。以李家駒為資政院正總裁。連壽為副總裁。資政院奏請頒布憲法信條。宣誓太廟。從之。資政院奏懇准此次革命黨人。按照法律。改組政黨。並賜撥用。從之。資政院奏遵旨議決山東省紳商學界代表請願八條。並擬答復條件。從之。資政院奏遵憲法信條。公舉內閣總理大臣。命袁世凱為內閣總理大臣。資政院奏議決改訂資政院院章。請旨頒布。從之。冬十月。資政院奏懇請降旨。即行剪髮。從之。資政院奏議決改用陽曆。請旨頒布。命內閣妥速籌辦。十二月。李家駒開缺。以奉天交涉使許鼎霖充資政院總裁。

清史紀事本末卷七十九

鐵路國有政策

末帝宣統三年夏四月宣示鐵路政策。幹路均歸國有。枝路准商民量力酌行。從前批准鐵路各案一律取銷。如有抵撓。即照違制論。鐵路國有發之者。御史石長信主之。都郵傳大臣盛宣懷比為新內閣成立第一政策。先是宣懷及戴澤等擬借英美德法四國千萬鎊。戴澤尚猶張宣懷力懇。惠之。借約遂成立。至是以貸款築路宣示天下。而日本人亦要求其政府。頗得有債權。宣懷復主張借日款千鎊。以調停之。命既下。直省人民以鐵路商辦已奉有成案。擬各舉代表赴京抗議。以侍郎銜端方充督辦粵漢川漢鐵路大臣。三品京卿鄭孝胥為湖南布政使。時湘粵川漢各省士民皆謂粵漢鐵路始由盛宣懷私售美商合興公司。光緒二十八年各省人民爭之不惜竭血汗之資。慘淡經營。僅得收回集股商辦。今政府乃以國有此策。與民爭利。是不啻奪我生命財產。付諸外人。於是聯會抗爭。語頗上達。而政府已入宣懷言。主張用兵威以壓制人民。會員摩議嚴成暴動。但俟諮議局開常年會。一律不赴召集。各省工商亦同時罷業。以示抵抗。政府患之。以端方當撫湘鄂。欲倚以籠絡兩省人士。乃起復端方為督辦粵漢鐵路大臣。而孝胥盛倡國有政策。著論載憲報。至是遂有孝胥為湖南布政使之命。命停止四川湖南兩省鐵路租股。旋又允湖南京官奏請。停止因路抽收之米鹽捐及房租。五月湖南巡撫楊文鼎代諮議局奏稱湘路力能自辦。不甘借債奉旨嚴行中飭。時湘省保路風潮激烈。萬眾一心。文鼎慮有他變。因甘言撫慰。許以局議上後。密電政府。描繪開會情狀。謂有匪徒從中煽惑。非扶雷定鼎鈞之勢。不足示威。宣懷

亦力贊其說乃有格殺勿論之論。署四川總督王文代諮議局奏稱鐵路改為國有請飭暫緩接收奉旨嚴行中飭先是川路公司得湘鄂爭路函電全體贊成川省京官復再三集議堅持反對國有及收回股本之說日本留學界又力主路存與存路亡與亡之議川人議以不輸租稅為抗制人文亦以政府顯拂輿情慨充代表時宣懷以四國借款勢成騎虎因運動載澤力言於監國遂奉旨以鐵路改歸國有勢無反汗且藉口上年川路公司人員虧耗鉅款並有剝削脂膏徒歸中飽殃民誤國人所共知等語川中輿情日益憤激。宣布川粵漢鐵路收回詳細辦法御史趙熙歐家康奏勸盛宣懷借債賈路等二十餘款不報時廣東同鄉京官聯署勸宣懷豫能朝聽侵權違法湖北京官胡漢章等聯名抗爭歷數宣懷罪狀鄂諮議局亦刊布傳單召集會議至者數千人競籌對付之策趙熙等因疏以入告政府仍不為動僅將原摺發交宣懷閱看而已。郵傳部奏上英美德四國代表所談川漢粵漢鐵路借款合同命盛宣懷署理時宣懷遂與載澤端方議定鐵路辦法以已成鐵路為根據約分四大綱自京漢南連粵漢為南幹京張北接恰克圖為北幹京漢東接齊齊哈爾連環奉為東幹正西接同蒲至伊犁為西幹載澤乃密告監國請於借款合同題期署設復通電各省嚴禁開會妄議路事。粵路公司致電郵傳部請收回鐵路國有成命先是粵人以各省爭路無效於是月初十日大集股東於公局籌策對付主席朱伯乾及各地代表采摭輿論定議五條一萬眾一心保持商辦之局致電郵傳部力爭並請粵督代奏挽回聯合湘鄂川三省同志堅持至竟二倘政府甘悖先朝成命違官強佔粵路粵人宜協力同心妥籌對付三擬先就公司置機關部四約十五日開第二次會議五商辦宗旨既定董事

所擬五案（一）更換國家鐵路股票（二）換領國家公債票（三）願領回資本者國家估價歸還（四）續
繳二三期股銀換國家息債票五仍援原案堅請商辦）作為無效毋庸投票公決議既定至先
電部力爭擬美粵人亦開會謀對付之法語極憤激有云政府借債築路名曰國有實為各國所
有自棄其人民以與各國亂令斷難育從又曰粵路股銀皆斯民汗血當執定先朝成案有封奪
商路者格殺勿論又曰路亡國亡政府雖欲賣國我粵人斷不能賣路並昌言國必自滅而後人
滅此後結局尚未可知萬一決絕僑民當謀種種對待云 四川議員蕭湘李文熙湖北議員湯
化龍張國鈞湖南議員譚延闓黎尚雯羅傑等聯名爭路先是川紳甘大璋迎合政府竟私將川
路股款呈請作為附股果大憤不期而會者十萬人電請同鄉京官蒯大璋名籍並予懲戒以平
人心蕭湘等以路事關繫全局非羣策羣力不為功乃於京師全蜀學堂延鄂湘兩省京官組織
鐵路聯合會一致進行延闓等亦電請都察院代奏嚴劾盛宣懷罪狀化龍等以中書辦萬縣所
上爭路公呈無効力遂憤然變計隱收民有實效擬定商民股款不向政府索回作為路股要求
發給股票並要求郵部許三省商民立查收會存稽核度支之權立論至為和平而宣懷不許意
意在把持不容商民有查賬權利也 兩廣總督張鳴岐嚴示解散粵路股東會鳴岐於粵路公
司開會籌議路事後復使在新編修江孔殷投意董事等運動金融業抵押股票得三十萬欲藉
投票多數以壓制股東會潮汕鐵路總理費景棠邀會凡局量議案憤不能平眾遂推景棠為主
席復訂期會議景棠草定議案翌日鳴岐出示禁止開會取銷議案粵人大憤爭持紙幣赴官辦
銀行易銀華僑聞風私議將股票屬之外人以為抵制事雖未行自是不復信任政府 郵傳大

臣等宣懷與督辦鐵路大臣端方議訂鐵路權限端方雖致湘蜀有力士紳金庫庫衙衙等及門生故吏之久官兩湖夙有聲望者高凌霨趙鳳瀾馮煦鈞等其收效於無形私謁與助言視事後酌用本省辦路員紳務在泯除意見與助深然之許其使宜調遣令宣懷與之約法三章格清權衡一凡曰省鐵路交涉統歸督辦大臣員部不必過問二以前借款交涉歸郵部擔任與督辦大臣無涉三督辦大臣有奏調辦事人員時權郵部不得干預既定議端方始拊搦出都電各省御史商定收買股票辦法不願意者不予強迫換給國家股票性質與商辦界同蓋思利用四省士紳壓制商民也 湖南教育會會長黃忠浩等陳請諮議局公討宣懷督辦鐵路罪狀謂省自鐵路事起學堂相繼罷課人情日益激憤巡撫楊文鼎奏格殺勿論之謝益用壓力嚴禁學生干預路事忠浩聞之大憤以路事破壞於宣懷宣懷一日不去路事一日不定乃上書諮議局請向此府力爭畧謂諮議局章程職員權限第五款議決本省擔任義務之增加第六款議決本省章程規則之增刪修改第七款議決本省權利之存廢查粵漢湘境鐵路向美國合興公司贖回湖南派出贖路款七百餘萬兩奏由鹽斤口捐項下解付此實全湘擔負最大之義務歷經五年計收過二百八十餘萬兩自奏歸商辦後又收集民股二百餘萬兩嗣後奉孔照川省抽收租股一百二十八萬兩房捐股四萬餘兩此項股票定為優先普通二種按年付息六釐將來公司獲利按成分攤優先股則另提花紅獎勵此為全湘應有權利亦即湘省單行事俾今各路收歸國有自積極言之固係國家行此屬於資政院應議之範圍然因行此政策而取銷從前之商辦公司是就消極而言實係諮議局章程所列職員權限第五六七款應由諮議局議決者也此

次幹路收歸國有。但云定為政策其屬於國家行政者。既不由貴政院通過。其屬於地方權利者。格不入。不交請議局議決。新內閣制甫頒。總協理方辭職。而盛宣懷即運動幹路國存。定為政策。取銷三省公司之鐵業。問上行私。破壞憲政。此百喙莫辭。致各國議會。聞於變更成法之案。視一切議案為特重。良以法律為人民生命財產之保障。若已成之法。可以隨時命令更改。人民生命財產。必受莫大之危險。此為野蠻專制之國有之號稱。立憲宜出此忠告等。以為諸議局章程。既為先朝欽定。即為內外臣民所共守。此次盛宣懷等。惑聖聽。擅借外債。橫取商民現營業。謂稱定為政策。病國殃民。因不待言。即欲定為政策。亦須先由內閣提議。更改先朝欽定章程。交貴政院通過。始得實行。今章程自章程。政策自政策。成法破壞。民無適從。此事不能解決。將來諸議局章程。皆可消滅。即就路事而言。民有幹路。既可隨時取濟。民有枝路。亦何不可隨時取濟。現在國勢岌岌。正賴民力共營實業。此次取消三省商辦成局。名為確定政策。不啻逼絕人民實業生機。諸議局為人民代表。竭無限脂膏。費無窮手續。倘章程無效。人民安所託命。諸公對於路事。既已函電交馳。倘所爭無效。即請將上項理由。一面呈請撫院代奏。一面連呈資政院。乞宣示中外。此後諸議局章程。何條作為有效。何條作為無效。並請嚴治盛宣懷破壞法律。謀國殃民之罪。書上為文。鼎偵悉。急電鄂督瑞澂。詢對待之策。瑞澂覆電於路事不置一詞。但謂對於軍警各界。亟宜嚴備。免致革黨乘機煽惑。遂派楚有兵輪上駛。冀以壓力施諸湘民。宜昌宜萬鐵路分公司。以傳工激成民變。湖廣總督瑞澂。檄宜昌鎮總兵潘瀛。刑宜施懋道。吳筠孫會剿。川漢鐵路宜萬一段。於上年冬間開工。集成三十餘里。工人數千。大半土著。自幹路國有之說起。各省路局以死力

爭。而宜萬分公司命政府意。遣散工徒。修建股東庫。建請開。不答。股東競赴公司索資。答以路歸國有。應由公家籌還。不得向公司質問。眾股東益憤。至僥幸與執事人相搏。工人和之。公司宇舍器。立立毀。警局遣警兵排解。不暇。亟白宜昌守。即撤駐宜防營。整隊往彈壓。眾怒其以威刻。防抗集數千人。爭起抗拒。斃兵士二十餘。紳商聞警。至事撫。始稍稍引去。至開會議決。雷內閣力爭。守通兵。兩孫至電白瑞澂。遂沿陸軍統制張彪相機剿撫。彪以海濱帶兵往。六月王人文奏勅盛宣懷借款合同失敗各節。不報。先是盛宣懷與端方電告人文。宜昌夔州路工。准用美國工程司承辦。所需借款。以四川財政作抵。四川人大譁。誓死不承辦。乃組織保路同志會。既成。王人文蒞督。感川人誠摯。慨然曰。諸君熱心愛國。吾何惜一官。誓與川人相始終。遂具疏嚴勸宣懷。誤國殃民罪狀。疏入留中。閏月瑞澂奏請明定路線。以安人心。報聞。端方抵鄂。感於川人郵傳部參議李穆熱之言。擬改川漢路線。鄂境初擬起宜昌。訖漢陽。雖改起宜昌。訖廣水。使穆熱為川路總辦。並委江西道員吳清錦調度三省路線。鄂中輿論大譁。商會因其書抗事。畢謂鄂境路線究竟起宜昌。訖廣水。抑起宜昌。訖漢陽。關係全省命脈。必須取決公論。設改為宜廣。運輸極為不便。經濟交通亦多窒礙。民情疑懼。滋甚。並附呈宜漢路線簡圖。說要求瑞澂代奏。飭部明白宣示。以安人心。瑞澂奉與端方不相能。待書大喜。思借以挽端方。遂據以入告。事下郵部。盛宣懷故左袒端方。通端方電。至述抵鄂種種情形。並謂部中前定收路辦法。多所不協。須詳加商酌。又言洋商承工。督辦必須參預。宣懷忌其爭權。遂疏之。自是端方孤立。益鬱鬱無所展布。王人文以川人事路風潮。幾徧全國。入告。請示辦法。嚴旨申飭。川中保路同志會既成立。不一月。各府縣相立。

分會以應之。重慶人謂重慶雖外郡，實川路中心。燕華商賈，擬組交通，視省會尤重。郡人某會江西會館與會者萬五千餘人，人文熙熙，民志激而愈甚。固以衆情不順，據實入奏。宣懷既人文有意反對，致川人肆志要挾，請旨嚴飭。人文得電，憤極誓以去就爭，而戒紳民勿得暴動。命湖廣總督瑞澂兩廣總督張鳴岐四川總督趙爾豐湖南巡撫余誠格會辦各省鐵路事宜。宣懷以鐵路既歸國有，各疆吏不當坐觀成敗，故有是命。秋七月，四川保路同志會聚集，僉先帝德朝夕哭臨，聞城學校罷課，商賈罷市。各國駐川領事要求外務部設法保護。是月初一日，川路公司股東開保路大會，決議罷市。學堂亦停課，商民供德宗牌位，張表南至邛雅西迄綿州北及順慶東抵榮隆，號泣之聲達於遠邇。重慶為通商口岸，外人商業所萃，各國領事因照會政府，請設法保護將軍玉崑總督趙爾豐等聯名奏請川路暫歸商辦。政府不允。四川保路會代表劉聲元上書請嚴治威宣懷罪，以謝天下。被逮尋釋之。時川事日亟，川中同鄉京官公呈內閣，歷陳川路現辦情形，並將往來電文索呈，請迅定辦法以安人心。時保路會代表劉聲元抵京，以政府大旨多與宣懷比，雖必為宣懷所掩飾，不如速呈監國，民情或可上達。乃兩謁監國，皆為門者所拒。聲元跪地安門外。侯王至，即擲與呈遞。令速交步軍衙門訊問。統領馬珍監其誠，禮送聲元歸鄉。端方奏勅趙爾豐屬情無能，命端方帶兵入川查辦。端方電勸爾豐或緩路事，係瑞澂袁世凱以代之。而朝旨即命端方赴川查辦。端方懼不逃，與電商之。威宣懷宣懷請飭端方自湖北帶兵入川，鄭孝胥初抵湘，知民氣方漲，未可以壓力驕。因假會議官制，返京師。至是，端方奏調參贊路此報可。度支大臣載澤轉傳大臣威宣懷請以御史趙炳麟總辦廣東鐵路，辭不赴。是月十一

日粵人在香港開保路會成立大會與會者為餘人公推劉少雲梁楚三代表事路代表起程時
開哀送會會員白衣冠送之宣懷電令張鳴岐解散保路會端方遣粵紳顏世清調查粵路川紳
羅崇齡專辦廣州至三水鐵路復以炳麟為人望所歸電商載澤宣懷請以炳麟辦鐵路炳麟
不為屈辭甚堅宣懷諭政府如何勸勉如何迫趣決不願擔任路事時廣西士紳亦擬公舉炳
麟督辦鐵路炳麟亦峻却之四川保路會代表劉聲元再上書請慶親王英勳代奏漸交步軍
統領退回四川原籍交地方官嚴加管束聲元等憤書至慶邸痛陳川中危迫情形請將盛宣懷
立予罷斥治罪奏動心雖不善宣懷所為究目聲元為多事未幾即有押解四川之旨旅京川人
臨歧哭送者數千聲元慨然曰路亡川亡川人宜哭川不宜哭聲元聞者益憤解役亦涕泣不已
命趙爾豐剿辦四川爭路人民川人間端方督兵入川益憤是月十五日公舉代表詣督署求
阻端方入蜀爾豐允為代奏繼以前此代表無效端方等反資為口實遂負氣不復再為過問代
表泣懇再四請議局副局長羅綸語稍緩和之爾豐怒遂拘保路會會長度支部主事鄧孝可
嚴東會會長鮑修顏樞貢生張瀾及諮議局局長法部主事蒲殿俊舉人羅綸民政部主事胡燏
舉人江三榮素秉誠王錫新等於署中人民相率至署哀求釋放統領田俊英命衛兵開鎗擊斃
四十餘人爾豐以川人將爭路為名希圖獨立並發布自保商榷書換置羅綸為首領意在變亂
與路事無涉飛電入告故有是命時近省各縣民團多為官兵焚殺死者甚眾命岑春煊前往
四川會同趙爾豐辦理熱事宜春煊至武昌與瑞澂議不合遂稱疾會爾豐奏劉辦得手制旨
許春煊還上海瑞澂連川紳黃湘於漢口出之川諮議局副議長法部主事蕭瀾自京至漢清

理路端激聞其來懼其鼓動鄂人並遣兵警渡江就漢口鳳臺旅館達交武昌府有管八月
以接收湖北境內粵漢川漢鐵路辦理迅速端激等傳旨嘉獎以袁世凱為湖廣總督岑春煊
為四川總督將武昌民軍起瑞激通武昌漢陽及漢口俱為民軍所佔鎮重慶亦告急乃起復世
凱督鄂促春煊即日銷假督川均著暫辦則撫事宜撤去王人文川漢邊務大臣以趙爾豐代
之又以端方署川督廣東提督李準奏勸盛宣懷病國殃民端方奏勸王人文姑息懷詔皆不
報人文當爭路掌事力庇人民為端方所深忌準以川人攻宣懷政府疑其左袒擢上督留中
岑春煊除陳川事治本治標二策下郵傳大臣議春煊在滬電致政府論川事當分本標二策治
本者當申明鐵路國有本以利民許民附股未思使川民稍受虧損特以辦法稍涉操切且與湘
粵等省顯分厚薄因而激成忿爭為川民宣布德意有不願附股者一律發還治標者則宜先撤
李鴻鈞以慰川人之心諭交盛宣懷議奏九月以違法私行貽誤大局革郵傳大臣盛宣懷職
資政院疏參其違法侵權激生變亂也並將內閣總理大臣奕劻協理大臣那桐徐世昌交該
衙門議處命趙爾豐釋放因爭路被捕士紳並將王人文趙爾豐交內閣議處趙員因徵募等
革職達戎有差

清史紀事本末卷八十

民軍起事及下詔辭位

末帝宣統三年秋八月武昌民軍起推第二十一混成協統黎元洪為都督總督瑞澂逃武昌漢陽及漢口鎮俱為民軍所佔領是年三月間革命軍起事於廣州影響播及湖北瑞澂即下戒嚴令久之袁世凱及是月初旬瑞澂接政府密電謂革命黨將於武漢起事宜加意防範瑞澂飭第八鎮統制張彪水師提防統領陳得龍巡警總王履康軍事參謀鐵忠等嚴行搜捕凡兵俄兩租界小朝街黃土坡千家街總督署隨時於見黨人行蹤及炸彈手鎗等物先後捕獲五十餘人於十八夜斬劉汝英楊宏勝彭楚藩等三人於督署前電奏到京朝旨嘉獎十九夜工程第八營左隊忽譁起鎗亂排長陳官數人於是工程全隊及步隊同時響應更迎合駐紮城外之砲隊八標馬隊八標入城先鋒楚望臺軍械局竊變響應火攻督署瑞澂鐵忠履康與藩司連甲倉皇登楚旗兵輪張彪得龍亦各棄營逃民軍遂佔武昌翌晨分兵下漢陽漢口及兵工廠推元洪為都督諮議局議長湯化龍為總參謀議議員張國溶夏壽康為副參謀即以諮議局為軍政府出示安民秩序井然後燕會駐漢各國領事署謂貴領事如能承認軍政府為獨立團體不加干涉則外人生命財產及租界治安軍政府擔任保護自當即承認為交戰國說又據據駐漢領事領事俄領事以後如有借款則不能承認各領事會商當即承認為交戰國說又據據駐漢領事領事俄領事燕會云頃據瑞澂鄂督瑞澂藏匿租界求本駐署保護聞此秋堪詫異為本總領事奉命駐漢祇理交涉事宜其餘毫不干預矧此次民國軍叛與義舉本領袖素經聚議各領事均守中立決定

而不相助。恐或虛疑莫釋。即至本駐署密查可也。特此聲明。以釋疑慮。隨各電告本政府。各政府俱贊成美國首先宣告中立英法繼之。俄日又繼之。二十一日。朝廷命陸軍大臣蔭昌督兵兩鎮前往湖北海軍提督薩鎮冰督兵艦。長江提督程允和督水師赴援。平瑞激張彪。張仍令瑞激署總督。帶罪圖功。並停止秋操。又命各省鎮裁練營。巡防隊三十三。日起復前軍機大臣袁世凱為湖廣總督。岑春煊為四川總督。均督辦剿撫事宜。二十四日。京師戒嚴。九月。湖南長沙民軍起。推焦大誠為都督。陳作新為副都督。防營統領總兵黃忠浩死之。先是湘撫余誠格聞鄂警。後已將新軍調駐城外。防範頗嚴。時鄂省以孤軍支絀。各省互存觀望。其勢危甚。忠浩又擬調省外巡防各隊進擊鄂軍。大誠時在湘垣。聞之憤然曰。中國存亡在此一舉。死生以之。猶豫莫為。乃於是月初一日。將新軍分道進攻省城。一為陸軍。嚴營。大誠自領之。東自小吳門入。一為陸軍。標營。作新領之。北自湘春門入。小吳門守城之巡防營尚力拒。大誠因曉之曰。吾儕同為漢族。同袍何必相攻。防軍遂開門放入。城外新軍直赴軍械局。獲得鎗械子彈。乃合趨撫署。忠浩時在署中。聞變方謀出阻。已為新軍所戕矣。勸業道曾煥若營務處王誠江。長沙縣沈濤均被殺。誠格由署後逸出。趨入水師營。而水師亦懸白旗。乃乘湘帆小輪以遁。翌日。軍學各界大會於諮議局。公推大誠為都督。作新為副都督。大誠受事後。知鄂事急。遂發四十九標援之。江西九江民軍起。推第五十三標標統馬誠寶為都督。初。武漢警報至九江。嚴憂營官徐世法。遂動新軍為響應之預備。誠寶遂於是月初二日率眾起事。先由金鐘坡礮臺舉礮三聲。次由各營銜鎗三響以應之。於是九江通保。恆知府璞良。防營統領張梅均逃去。民軍即於通署內設駐。海軍政府舉誠寶為都督。主

待軍務九江破臺恭師世法統轄陝西西安民軍起拒張鳳翔為都督陝西民黨開武漢獨立

車駕將返陝欲為先發制人之謀遂於是月初二日懸白旗舉事新軍先鋒起防營應之起入省

城先據藩庫進據軍裝局巡撫錢能訓聞警逃其他官吏或走或降商民安堵如故由軍政府宣

告滿漢四民一視同仁之意派學生隊代表赴將軍署協商一切旗兵反以巨礮轟斃學生四百

餘人情大憤遂有殘殺旗人之事廣州將軍鳳山被刺是年三月初十日署廣州將軍孚琦至

廣州東門外觀法人演放飛機迨至諸議局前麒麟閣門穴為岳慶州人溫生材所鎗斃朝命鳳

山往代之鳳山於是月初四日抵粵甫登岸至南倉關前首約（地名分有首二三四等約）地

方順德縣人周之貞伏於倉前街一商店內由窗隙射發雙彈鳳山遂被炸死授袁世凱欽差

大臣節制各軍以馮國璋總統第一軍段祺瑞總統第二軍召陰昌回京山西太原民軍起推

況成協協統聞錫山為都督巡撫陸鍾琦死之先是鍾琦聞陝西警訊急派新軍之第一第二兩

營出防潼關恐其中途折回續派第三營隨其後三營中有排長王建安者潛赴二營營帶姚維

藩營中告密謂將於途中出不意擊之伴首尾不相顧維藩大憤遂於是月初八日黎明聯合一

營襲入太原城鎗聲大作衆湧至撫署鍾琦親出彈壓被擊其子翰林院侍講陸光煦及協統譚

振德管帶熊國斌皆被殺不數時滿駐防城亦擊破瑞澂潛逃至上海命兩江總督張人駿派

員擊解來京治罪下詔罪已詔若曰朕用人無方施治寡術政地多用親貴則顯戾憲章路事

廢於食土則動違輿論促行新政而官紳或藉為周利之圖更改舊制而權豪或祇為自便之計

民財之取已多而未辦一利民之事司法之詔屢下而實無一守法之人馴致怨積於下而朕不

知禍迫於前而朕不覺云云 謝開黨禁所有此項黨人均著准其按舊法律改組政黨藉以養成人才收作國家之用 雲南省城民軍起推第三十七協協統蔡錫為都督第十九鎮統制鍾麟同等死之邵軍政府撤至滇是月初九夜九時新軍即譁起先由駐紮北校場之七十三標攻入北門節次進據電報局軍械局及新學堂各署翌日黎明七十四標抵谷廠營馬陳機關鎗營同時佔領南城大東城等部午間全城大定總督李經羲及司道均先避出縣同及兵備處總辦道員王振徽管帶范鍾岳均被殺 江西南昌民軍起推十七協協統吳介璋為都督更撫馮汝驥死之南昌自九江事起亦於是月初十夜宣告獨立汝驥交出巡撫印信後由介璋派遣軍隊進出城尋自斃以袁世凱為內閣總理大臣命即回京組織內閣起復前兩江總督魏光燾為湖廣總督長沙兵變焦大斌陳作新均被殺改舉諮議局議長譚延闓為都督大斌既任湘都督擬銳志復鄂領軍北上曾大會辭職眾不可是月初七日更出示宣言告誡各界又派代表堅留時忌者密議欲殺之煽惑軍隊謂大斌領鄂餉數十萬私為已有並謂焦大斌早為人所殺今非本人初十日下午後有軍人至軍政府說稱和豐公司有兵變擾事始作新出城彈壓而殺之於北門（即湘春門）外東岳宮廟前設有軍一隊俾為備物竊軍者誘大斌出而殺之由新軍推代表至諮議局要求延閣接任都督事 頒布憲法信條擇期宣誓太廟先是第二十鎮由奉天調赴前敵至濰州統制張紹曾與泥成協協統藍天蔚等電奏要求實行立憲並憲法由議院制定疏入政府大驚即命資政院起草憲法先是月十三日先行擬定憲法內重大信條十九條入奏即命刊刻曉諭天下 命統兵大員剴切布告宣布朝廷德意妥速妥撫俾皆曉然於朝廷實心與民更始不思

再以兵力從事。又命各省統兵大員申明紀律。賞張紹曾侍郎銜。授為宣撫大臣。赴長江一帶。

宣布朝廷德意。貴州貴陽民軍起。推新軍教練官楊孟誠為都督。貴陽於是月十四日宣告獨

立。是日由新軍排隊入城守。獲藩庫及大藥局。改諮議局為軍政府。開會。公舉孟誠為都督。隊官

趙德全為副都督。官界除巡撫沈瑜慶外。一律仍舊。居民安堵如故。浙江杭州民軍起。推革職

江西提學使浙路總理湯壽潛為都督。初鄂事起。浙撫增韞疑新軍不為用。持抽調各路巡防營

某省城。以為戒備。時新軍防營已互相聯絡。而增韞不知也。及是月十三夜。諮議局副議長沈鈞

儒謁增韞。請將營壘拆卸。滿人編入漢籍。以免戰爭。增韞不允。翌午官商會議於撫署。多數紳界

請增韞辭職。獨立仍不允。紳商瀕行時。有警告增韞者。亦不省。至夜半二時。城南北之新軍同時

起。以炸彈焚燬撫署頭二門。遂佔領之。次據軍械局。砲馬輜各營。分守銀行教堂。並巡街市。執

序整肅。增韞為民軍所拘。辱以兵糞。送出境。司道織造各官均逃去。將軍福濟遂降於民軍。繼鎗

械且戮其協佐領貴林。存炳。哈楚章。臺海四人。以為反抗者戒。旗人悉編入民籍。江蘇蘇州民

軍起。推巡撫程德全為都督。時江蘇之上海已先二日為民軍佔領。推陳其美為都督。警信至蘇

蘇之政學軍警各界領袖及地方人民代表。齊至撫署。要求宣布獨立。德全允之。遂於是月十五

日宣告光復。署山西巡撫吳祿貞在石家莊被糾。祿貞任第六鎮統帥。以蔭昌兵在漢。亦擁護

殺因奏言蔭昌督師無狀。乃奉謀丁士源易地謀連迎。所部請旨嚴懲蔭昌。惡之。禁衛軍第一編

協統良弼。嫉之尤甚。故改命為晉撫。以釋其兵柄。入重賂其部下第十二協協統周符麟。使引誘

兵。於是月十七夜。刺殺祿貞於石家莊營次。時陸軍部為兵料科長張世膺以事來營中。亦遇害。

釋汪兆銘黃復生羅世勛於鐵兆銘等以上年二月謀刺攝政王未成處以永遠監禁之罪至
是因聞黨禁釋之於交兩廣總督張鳴岐差委廣西桂林民軍起推巡撫沈秉堃為都督廣西間
鄰省相繼獨立巡撫沈秉堃並不待士民要求宣告獨立士紳欣然於是月十七日公推秉堃為都
督安徽安慶民軍起推巡撫朱家寶為都督先是鄂軍政府撤至皖中各新軍咸欲乘機而起家
督命將第十一第十二兩標子彈收回並飭令全體解散諸議局聞之大譁於是月十五日提議三
大問題請家寶答覆翌日答復云軍心如此民心亦如此各省相繼而行令人束手無策請諸公
籌策據道行局中乃於十七日開會所議五條一將散兵招回為民軍二巡道已告逆當由諮
議局辦理三請將江防營撤回以保治安四取銷督練公所五財政請藩司移交諮議局各衙門
支款即日停止十八日即宣布獨立舉家寶為臨時都督廣東廣州民軍起推胡漢民為都督
是月十八日粵省紳商請於總督張鳴岐宣布獨立仍推鳴岐為都督提督龍濟光為副都督定
於十九日舉行鳴岐陽許之辰期士民費送都督印信於督署而鳴岐已於前一日走香港乃推
漢民為臨時都督以陸軍統領陳炯明副之福建福州民軍起推第十鎮統領孫道仁為都督
總督松壽將軍撲殺死之撲殺自聞鄂警防範新軍甚至藥庫子彈悉運入旗界復於界內安設
大礮埋伏地雷又有旗弁文楷等組織戡漢黨居民聞之惶懼多遷徙城外是月十八夜忽有旗
兵數百擁入漢界縱火其法用水龍灌以石油激射屋頂火勢甚烈新軍即時推舉第二十協協
統許崇智為總司令官督師與旗營宣戰旗兵披靡應白旗乞降繼軍械松壽聞而自盡翌晨擒
撲殺殺之都統勝恩藩司尚其亨均派兵護送出境由是人心始安遂公舉道仁為都督海軍

各艦歸附民軍先是有鮑清幫帶陳復及學生劉樾劉勳名楊砥中常光球等三十餘人組織敢死隊於是月二十一夜起事各輪同時響應願為民國効力迄一律開往鎮江歸於鎮軍都督林述慶計饒清係民楚觀江元江亨廷咸通濟楚同楚泰飛鷹楚連虎威江平及張子鏡魚雷艇共十四艘皆卸去武裝。山東省城紳士奏請獨立推選撫孫寶琦為都督初濟南士民聞廷議以軍餉浩繁將向德國借款三百萬以山東全省土地作抵遂於諮議局議決八條要求寶琦電告政府一政府不得借外債充軍餉以殺戮同胞二政府須即速布罷戰書無論南軍要求何件不得允諾三現駐山東境內之新軍不得調遣出境四現在山東應解餉款餉及節省項下暫停協解概留本省練兵振荒之用五憲法須註明中國為聯邦政體六外官制地方稅皆由本省自定政府不得干涉七諮議局章程即為本省憲法得自由改定之八本省有練兵保衛之自由由政府覆電於要求各件皆允諾時省垣已聞江浙等省相繼獨立復於是月二十一日大會寶琦以次各官及新軍官弁咸至羣請寶琦贊成獨立寶琦許之遂舉寶琦為臨時都督第五鎮統制賈德懋為副都督。蘇浙滬民軍會攻南京推第九鎮統制徐紹楨為聯軍總司令時上海蘇州常州鎮江清江揚州松江皆先後獨立南京士紳曹錕江督張人駿贊成獨立不允並令紹楨所駐之新軍移紮林陵關不給予彈而訓江防會辦張勳之巡防營守城是月十七日紹楨率全軍與由滬至寧之民軍進逼雨花臺張勳聞有內應閉城搜殺凡巡士及督署衛隊多有被殺者餘如良民或無辨幾或身有白布白帶者亦被戮約計不下千人十九日民軍攻雨花臺不利退至鎮江蘇浙滬各派兵會之。桂林兵變改舉提督陸榮廷為都督桂林軍界有與都督沈秉堃有

陳於二十日夜。喉使巡防營十四十五兩隊。詳察謀劫。藩庫不得入。轉政諸議局及電報局。皆毀。事平。東領還朝。進忠。等託北伐之名。辭職去。奉天省城設保安會。奉天紳民謀獨立。因軍界不贊成。乃改設保安會。推總督趙爾其為正會長。設吉林黑龍江兩省亦設保安會。各推巡撫為會長。江西改舉彭程為都督。先是江西軍界有與都督吳介璋不睦者。貽書介璋。責其不勝都督之任。云將以鐵血從事。旋即傾忠貽書人。各界欲謀之介璋。以保全地方為宗旨。力戒不可輕啟釁端。致陷人民於塗炭。即於是月二十二日。開會辭職。各界挽留不獲。乃改舉程為臨時都督。命近畿各鎮及各路軍隊。並提督委桂題所部。均歸袁世凱節制。調遣張寒等為各省宣慰使。江蘇派張蔭桓浙江湯壽潛福建江春霖湖南譚延闓廣東梁鼎芬廣西趙炳麟四川喬樹枬江西謝遠涵山東柯助各山西渠本翘雲南王文。陝西高增爵分赴各處。撫慰勸導。宣布朝廷實行改革政治宗旨。命各省選派代表三五人來京。公同會議。以定國是。安徽兵變。朱家寶出處。當家寶初為皖督也。有王天培者。自稱奉湖北軍政府命。為安徽都督。士民從之。是月二十四日。有海軍至。向總司令黃煥章索餉不得。即擁至督署。家寶聞警。總城巡海軍逆焚都督府。奪軍械局。攻新諮議局。劫庫藏。是夜防營復搶掠紳富之家。及商店公典。秩序大亂。袁世凱組織內閣。成世凱既奉任命。屢辭不許。是月二十六日。入閣辦事。薦舉梁敦彥為外務大臣。趙秉鈞為民政大臣。嚴修為度支大臣。唐景崇為學務大臣。王士珍為陸軍大臣。薩鎮冰為海軍大臣。沈家本為司法大臣。張謇為農工商大臣。楊士琦為郵傳大臣。連壽為理藩大臣。並以胡維德等為各部次官。停泊九江之海容海壽海琛三兵艦。又魚雷數艘。歸附於九江民軍政府。冬

十月四川成都民軍起推蒲殿俊為都督是月初二日四川之重慶府已宣告獨立成都士紳請將軍王冠勸諭旗人繼擁歸民軍保護遂於初七日宣布獨立以元復漢陽功賞馮國璋二等男爵署四川總督端方至資州為軍士所殺端方入川聞湖北民軍起謀北走陝西至資州所帶湖北軍士斬其首送鄂各省民軍政府舉伍廷芳為外交總長各省民軍政府公推鄂軍政府為中央軍政府山東取銷獨立山東宣告獨立時孫寶琦曾向紳民宣誓三條一山東全省人民自今對於北京斷絕一切關係二以山東全省加入中華民國政府三關於本省內部之組織分為議決行政軍政各部和各共濟俟大局定後共和政體完全成立再行變更政府聞而大驚慶王奕劻內閣總理大臣袁世凱函電交馳皆責其兩林寶琦固而大患遂電奏請罪取銷獨立名義廷旨且嚴責之至是世凱遣張廣建吳炳湘至濟南命署布政使及巡警總辦合第五鎮統制吳鼎元等取銷獨立旋以廣建代寶琦為巡撫外蒙古庫倫宣告獨立並辦事大臣三多民軍攻取兩涼張人駿等逃江蘇都督程德全親督民軍攻南京是月初三日視師丹陽江浙聯軍推德全為海陸聯軍總司令長駐高資前鋒至棲霞山初四日侵晨與防軍遇於孝陵衛民軍戰勝副將王有宏死於彈遂佔領烏龍山礮臺初四日正午佔領幕府礮臺午後佔馬犀孝陵衛一帶初六日遂以礮毀太平門北柵關防軍死傷者三十餘人而孝陵衛獅子山雨花臺皆為聯軍所奪初七夜攻神策門總督張人駿將軍錢良由北柵關走匿日領事署初八日聯軍攻破太平朝陽兩門恐伏有地雷不敢進初十日聯軍戰勝於浦口十二日晨八時防軍有開太平門以迎聯軍者九時防軍將曹榮華率千人胡令宣率三百人皆降於聯軍至午後二時聯軍進

伍兩花臺獅子山礮臺及清涼山大寨軍械局即以礮毀南門儀鳳門太平門四時大礮入城搜地盡毀之張勳走徐州人駭鎮良來日本礮艦逃往山東之青島翌日民軍推程德全改任江蘇都督移駐南京河南巡撫寶善開缺以齊耀琳代之以倪嗣冲為河南布政使武漢南北兩軍議和停戰三日嗣又使期三日監國攝政王載瀛以醇親王退歸藩邸以世續徐世昌為太保命臣民自由剪髮袁世凱委任唐紹怡為全權代表與民軍議和江西改舉馬誠賢為都督當彭程萬之被推為都督也程萬誓死力辭衆強之乃允暫攝都督五日宣言於五日內迅即組織第三都督並由各界議決改舉駐清都督馬誠賢為江西都督遣人赴滬迎之而誠賢以武漢戰事方亟九江防守宜嚴適至是月十九日始抵南昌接都督任四川成都兵變改舉尹昌衡為都督先是是月十八日川省先鋒隊三千餘人譁餉戕官劫庫焚掠市肆計官兵損失數逾十萬以上都督蒲殿俊副都督朱慶瀾皆逃去城中主持無人擾亂至一晝夜之久呂衡時為陸軍小學總辦急入鳳凰山營激勵將士率之入城次日復涕泣誓師以掃除亂兵為已任於是軍心感動推昌衡為都督羅綸為副都督昌衡受事後極力維持秩序大局安定以馮國璋充集衛軍總統官以良弼為軍諮使命前都督大臣唐紹怡為全權代表與民軍議和代表伍廷芳等會議於上海兵租界之市政廳時又展停戰期十五日嗣又展期七日山西巡撫張錫鑾帶兵至太原時民軍山西都督閻錫山因兵單退駐平陽府錫鑾督師攻入娘子關錫山遁走軍心因以不固致潰散遂棄太原十一月四川成都民軍殺前川督趙爾豐成都宣告獨立後爾豐猶擁兵居總督署十八日之變爾豐猶用舊總督名義出示招安亂兵是月初三日民軍

乃圖攻總督署。擒副總督之於明達樓側。安撫舉孫毓筠為都督。九月二十四日。海軍譚燮於
安撫都督朱家寶逝去。及海軍政府參謀長李烈鈞率軍到。剿除亂兵。士民乃請烈鈞暫攝都督
事。一面公請大通軍政府分府舉宗燾為都督。宗燾未至。至是月初三日。皖中乃改舉毓筠為都督。
廣東舉副都督陳炯明代理都督。時孫文歸國。過香港。胡漢民從之至上海。由炯明代攝都督
事。命開臨時國會。公決政體。時南北議和代表因所主張政體不同情形。電達內閣。欲降諭召
集臨時國會。付之公決。而令內閣將選舉法妥議施行。各省民軍代表選舉孫文為臨時大總
統。是月初十日。十七省軍政府代表大會於江寧舊諮議局。正式選舉總統。孫文當選為臨時大
總統。中華民國臨時大總統孫文在南京就任。民軍以江寧為臨時政府。是月十三日。孫文履
任。改用陽曆。以是日為民國元年元旦。江蘇舉莊維寬代理都督。時程德全因病不能視事。故
舉維寬代理。移駐蘇州。袁世凱撤銷唐紹儀和代表。紹儀與伍廷芳等在上海議定國民會
議召集方法。電達北京。世凱不允承認。紹儀辭職。允之。世凱致廷芳電。謂嗣後應商事件。直接電
商。民國各省代表選舉黎元洪為副總統。伊翠民軍起。推前任將軍廣福為都督。將軍志銳
死之。袁世凱途過炸彈。未傷。獲從衛隊隊長袁金標及兩排長隊兵三名皆死之。是月三十日。
世凱赴辦行至王府井大街。遇炸刺。各張先培黃之助楊品三皆被執。殺斃於東菜市口。十二
月。錫封袁世凱一等侯爵。世凱固辭不受。軍諮使段弼被刺。是月初八日。民黨彭家珍冒名奉
天譚武堂監督索榮。至西城紅羅殿段弼寓宅拜謁。適段弼自肅王府歸。雨下車。與家珍遇。彈發。
炸段弼左腿立斷。家珍已傷頭部。先斃。段弼死二時始蘇。謂母曰。殺我者。好英雄也。真知我也。說

語高席康誤謂曰我死不足惜惟清廷宗社從此滅亡為可恟耳上年我奏請放釋黨人請開國
館皆不我聽今秋變起請以禁軍赴前敵又不我從而委之陸昌內廷紛爭外患四起我宗社之
亡將無日也我見政府不可為始組織宗社黨南有頭緒欲實力進行而我就受此慘劫我死清
廷亦隨之亡也刺我者已死我知之也延至初十日午間遂卒 授袁世凱全權與民軍商酌進
後條件時第一軍總統官段祺瑞等四十六人電請速定共和此體隆裕太后謝朝廷何忍以一
姓之尊榮貽萬民以資禍惟是宗廟陵寢以及皇室之侵禮皇族之安全八旗之生計蒙古回藏
之待遇均應預為籌畫故授袁世凱全權與民軍研究一切辦法 隆裕太后下詔奉帝將統治
權公諸全國清亡袁世凱與民國議和代表議定優待皇室八條一帝位即政體不廢尊號
中華民國以符各外國君主之禮相待二皇室經費由中華民國撥用四百萬兩三帝暫居宮
禁四宗廟陵寢由中華民國保護五德宗陵制如舊妥修六宮內各項執事人員照常留用惟不
得再招閹人七皇室私產由中華民國特別保護八原有之禁衛軍歸中華民國陸軍部編制額
數俾餉如舊待遇是族四條一王公世爵仍舊二皇族對於中華民國國家之公權及私權與國
民同等三皇族私產一體保護四皇族充當兵之義務得過滿蒙回藏七條一與漢人平等二保
衛其原有之私產三王公世爵仍舊四王公中有生計過艱者設法代辦生計五先壽八旗生計
於未壽定之前八旗兵弁俸餉仍舊支給六滿蒙回藏從前營業居住等限制各州縣聽其自由入籍
七滿蒙回藏原有之宗教聽其自由信仰以上條件經世凱奏入太后屢召皇室會議至是月十
九日決定下詔辭位二十五日帝退使滿洲入主中國二百六十八年至是乃亡